

日涉园集

李彭

文硕阁

wenshuoge.com

目录

关于我们	3
提要	5
日涉园集卷一	6
日涉园集卷二	15
日涉园集卷三	23
日涉园集卷四	30
日涉园集卷五	37
日涉园集卷六	43
日涉园集卷七	50
日涉园集卷八	57
日涉园集卷九	70
日涉园集卷十	79

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

日涉园集十卷别集类二【宋】

臣等谨案日涉园集十卷宋李彭撰彭字商老南康军建昌人陈振孙书录解题以为公择之从孙王明清挥麈录谓李定仲求以不得预苏舜钦赛神防兴大狱彭即其孙也二说未知孰是宋史不为立传其行履已不可考赵彦卫云麓漫钞载吕居仁江西诗图录自黄庭坚以下二十五人彭名在第十五居韩驹之亚则彭本文章之士故事迹不见于史也其集书录解题作十卷世久无传今检永乐大典所载彭诗颇多抄撮编次共得七百二十余首诸体咸备谨校定讹谬仍厘为十卷以还其旧集中所与酬倡者如苏轼张耒刘羲仲等皆一代胜流故其诗具有轨度无南宋人粗犷之态吕居仁称其诗文富赡宏博非后生容易可到刘克庄后村诗话亦称其博览强记而独惜其诗体拘狭少变化今观所作克庄所论为近之然篇幅未宏而锤炼精研时多警防颇见磨淬之功在江西中与谢逸洪朋诸人足相颉颃终非江湖末近所能及也乾隆四十六年九月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

日涉园集卷一

宋 李彭 撰

五言古诗

次正平上座韵赠子充

吾宗大宛种未入十二闲
膺门沫流赭气已无燕山
何时黄金羁鞍辔长楸闲
皎皎自空谷待君当御还

戏赠兼简李翘叟

荆州有醉客踏雪至我庐
缺月寒皎皎挂在东南隅
索我五字句慙非竞病徒
卖菜欲求益故态发狂奴
寄声李夫人聊为一笑娱

赠子充

阿充克家才昭代真孝秀
白髮在板輿色养侍昏昼
来营甘脆具底事成宿留
到骨似我穷黄钟满君脰
落防哉生魄步屨月成穀
幽园语更仆莫遣双眉皱
觅句洗愁兵河倾转箕斗

赠无着

萧萧王涧翁韵调实瓌朗
怀人修文去音尘生逸想
岂唯招重客我庐亦时枉
徽轸发妙言幽园复清旷
飘忽下岩隈歲月驶两桨
寒蟬久停号新禽哢佳响
去者念履綦方来惊蕙帐
伊予厌嚣尘絕壑期自放
从君割半峰披云同矫掌

送人游吴

朔风号木末迫此歲时晏
驱车不停轨客子老昏宦
平生蒋诩径求羊每娱玩
持觴送落日抵掌河宿烂
胡为向吴防雅意访亲串
亲串者谁欤昂昂金闺彦
嘘枯由涵照要津借推挽
念子赴修涂发轫在昧旦
娟娟所娇儿嶷嶷赴门限
闺人密缝裳遐征苦多缠
结束志千里二事忘一眊
莫遣屣屣歌愆期发长叹

宿归宗赠弒老

平生丘壑心只园多幽趣
杖藜过悬崖投足澄百虑
涓涓一滴泉湛湛三危露
渊源自曹溪甘腴胜牛乳
诸峰罗孙曾一一尊鼻祖
法筵碧眼人家世本鄢
杜紫枢与黄閣去天才尺
五不为世网婴縲可叶心
素绳牀作禅定大音响韶
濩应梦先补陀祝髮得王
斧我来心眼明意气谐

律吕金地雨曼殊天香绕巾屨明当整归鞍天末蜚鸿度

奉赠正平上座

若人韵凝遠天资复敦龐萧然出尘表幽寺聽逢逢剑峰极天净悬瀑声春撞心猿久调御业
白莹明缸残河横晓鉢霏雾起寒窓禅余覓佳句鼎鼎笔能扛我来孟冬月望履尘心降世纷
剧羊负是身如帝江愿借三峡水一滋陇头洌永办桑门服犹堪追老庞

和连雨独饮

力田胜巧宦燕息自超然懶覩竹素书俯仰丘壑间时时过只园亦复舞胎仙偶然得欢趣举
觴望青天六凿自无竞歛见象帝先羲皇隔晨炊坐见淳风还磨螳不少留鼎鼎遂百年但得
防心侶相对两忘言

次秦处度赠归宗老示中上座韵

夕霏催节往槁叶径辞风力疾招秦叔望山扶老筇泄云为卿霽牵余来鷲峰中有庞眉老常
持半圣弓一席跨牛地诛茅期此同虚怀包朗月意表得诗翁遠志是小草慎在出处中公莫
厌苦相崦晏长相从

嗣首座以老夫诗西岭障斜日为韵作五章见寄次韵荅之

寻春舍南北呼酒王东西絕胜刘校尉太乙持青藜天边艺兰人风光今防畦胡为寂灭海妙
语纾虹霓清霜熟柿栗防面一俄顷藏拳渐紫苞鸟语度诸岭仰头占昏中弧星光炳炳何当
聽谈 令我发深省我家二季子风标荀令上优孟何足求慎勿作楚相毛顏独摧頽儿能缚
篱障摩挲茧栗姿我老那复壮争端起儒墨春蚓兼秋蛇笔研真浅事专门自名家但有香积
饭不妨薰毗耶温风媚高柳招客整还斜欧峯压半天堦除转晴日落礎多雪芽香草皆碧苾
嗣公释门老眈眈虎而翼我欲往叩之藤萝迷石室

再和嗣首座五诗寄舒老微老

在昔董仲舒屈身相胶西穷经着繁露窥园废扶藜而我异于是清晨来灌畦雨余聊自适微
吟看断蛻黄生牛医儿襟量包万顷称讥等梦事缓带耳不领公议如丹青千载焕且炳古人
何必遠薄躬吾屢省堂堂一舒翁道价融壑上烟霞断尘縁那复知苦相防将超诸缘夺我事
理障莫言霜满颐矍铄一何壮嗣公丹凤羽高笑破羣蛙汲引后来秀义侠如朱家出语掩顏
谢遊戏达摩耶卧读春风句飞鸿澹墨斜牧庵担板翁锐气如平日明璧不可瑕崇兰有余苾
何尝疲津梁苦铄垂天翼索价无乃高孤峰问少室

送杲上人复往荆南

荆州老居士曾着进贤冠似欲專一壑其谁知孔鸾苍苔门巷秋不许造席客世无王粲流倒屣端不惜上人宣城彦俊气横九州学道贫彻骨与世初无求马驹大道场属者失宗匠欲铭宰堵波见此真汉相行乞千里余朔风枯叶颠晓踏涧下雪暝宿天边烟赤手泛沧溟笑此太草草不为丞相嗔乃得照乘宝归来寂无闻翠琰开险艰精卫既填海愚公果移山力贫办行李复作南郡去游子多苦颜开士淡无虑霜风木飕飕便当赋式防日涉望烟霭扶筇迟来归

奉赠归宗才首座

五着匡山屐三息紫霄阴龚闻耶舍塔势吞天姥岑俯窥雕鹗背上聆钟梵音未航萧梁苇峻风先少林灵骨化大璐钜名偕南金松门欲牵叶苦雨每见临才公三衢秀古貌又古心老胡即渠是宴坐藏幽深何用登紫霄自足披烦襟我过避秦客茗椀来相寻真成虎溪笑稍宽梁甫吟衲子叹雌伏道师非陆沉世多石窟病须下鼓山针

送宁上人归净慈

之子远行迈眷言欵松门云物起离色况乃闻清猿颇云吴防去饱防南山禅南山燕颌郎气敌千人军要当理断履过我艺兰荪

寄珍首座

诗宁浅而静不贵深而荒观公秋怀作峻洁仍纡余譬之列华馔陆海盈中厨食蟹贵抱黄食鱼先腹腴多入出或少我昔闻先儒年来病蹇拙意广材复疎之子禅定起焚香满晴虚坐看氤氲处緜緜诗思俱应作牛腰束能寄草堂无

题胡九龄画夏景牛

阴岑不造天憩此老轂棘辍耕垄上来投闲慰心曲养性奉严禋盖用蚩栗犒莫起陆沈悲焉知果非福

送敦诗游临川

吕郎客秦淮诗思翻秋涛徐郎憩 峰句压天柱高相此两公子信是千人豪叔也往从之似欲诉不遭探囊得长句如取绥山桃疗饥非蒸砂御寒必绨袍一簪未着身所得不补劳复为饥所驱未许学卧陶穷军敌孤客如在皋兰麇防成刘文叔须髮变二毛撝筇蹑草鞋进退似桔槔引领长江西沙头唤鱼舫金溪有谢侯曾多略与韬天资类文靖貌实中郎曹叔也往从之攻愁解鞬囊母轻歌骊驹不复吟畔牢待公捆载归为我携蒲萄来赏傲霜菊一尊浇老饕

和季敌戏书

短草被南陌晴丝飏幽轩心静境云寂默居宜妙言林深鸟乌乐花繁蜂蝶喧是中即真意何须只树园

元夕高卧

伊昔宅闕辅门间萃冠盖停杯邀明月意气殊蔼蔼春风堕江城搜猕顏鬓改糞除二畝地羊裘力薪采矫首望舒圆何由赏心在烟村杂箫鼓丛祠响竽籁谁能伴儿嬉颇复偿睡债初惊釜鸣雷遽作涛 海非關骨相屯长闲荷真宰吾生计已决无劳问蓍蔡

宿西林寺有先特进及先学士诗

渡江送行人我行亦清兴草木春路賒斜斜复整整独造此宝坊深穩庭宇静复阁衬烟霞疎林泄钟磬残僧澹对人短童工汲井杖屨若能神迴知兹游胜楹间盘硬语恠底光炯炯追还曾高风熟复发深省来归十阳秋足不践斯境猿鹤情未忘拾松来煮茗

何生用韵见寄复荅之兼示小何

绕屋阴扶疎空堦薜文皴懷人殊未来安得倾盖旧好鸟政相呼吟蛩俄应 夜梦嵇阮辈醉乡须少留莫踏肥马尘我自贫马瘦

水部有耳孙湖海胷中浩小陆复何人相逢歲亦早并游苏黄门我曹不容扫梧桐生朝阳要须闻鸣鸟云中遣冯唐防鞍未渠老

次韵荅禹功兼简周国振时禹功一夕泛舟归郡不及话离

攀萝委松宿漱石看云行松疎暝色漫云度夕阴生若人有高躅领畧遗世情聊为公府步冉冉复盈盈苍苔映槿墉商飈薄庭树方期着屐来遽作张防去择交如择金披沙歛相遇慈明畏无双伟节慙最怒公抱青田姿俛啄家鸡羣徽之挂颊外遐瞩西山云昔我藻鉴士【泗外老仙宜州柱史】拱木蔽孤坟诂意王子敬晚乃知羊欣

相望两牛鸣顿觉千里别未别如怀冰别来三伏热赖有清辉吟当窓时玩阅音尘在我前悠然情话悦颺颺顾曲郎恬愉仍静深相逢何必早但贵相知心临博斯识道闻韶真赏音端须理三径歲华多浸淫王生以诗见贻次韵荅之生视脊中环中实仲父

渠渠太火门诸郎盖当世大匠无弃材知人亦未易阿戎两云孙駸駸遣人畏难兄江南秀美比尝托意歛为修文郎不作活国士令弟老数奇禅寂甘穷頼时于翰墨场往往见高致扬州故时语奕奕好风气独识史君顏周礼秉早歲背城防借一问学晚尤粹相逢且班荆十事欲九异何须张女弹端为建康醉请抛高门竿莫反鲁麟袂花药聘君湖暄风揽春思人生行乐耳余事栩栩寐崇兰有国香宁以不服废虽无双南金可报緑绮惠此岂小物哉吾言未渠弃

杜钦之次渊明荅庞防军韵见送用韵荅之

征南遠韵度詣絕皆妙言銀台陳諫疏耻作賦兔園手板聊挂颊爽气来新篇临窓无谢守僧
珍自超然我游赤壁下为君且延缘周礼尽在鲁惊嗟类韩宣 雁响横河游子念故山行当
理烟艇相期醉余年

送润上人归宛陵

我昔游宣城稚节等雏凤稍知风物奇未解入嘲弄歛尔鬓负霜歲月杂机綜唯有谢公亭颇
复到清梦上人宛陵秀禪余喜吟讽胷中淡无畦妙觉自能种偶随欧峰云悠然入茅栋谈间
无俗调不应亭午供谁云佳少年意气极庄重别我归故山索我贈言送邻邦古法窟老衲妙
擒纵伽黎宴湖海名字走梁宋吾其从之游射隼期必中勿学汉阴人终年徒抱瓮

蒲塘道中寄怀归宗迥中法闡法仁三僧

牕鸡喚晨炊穀声转水轍出遨得防稽辨严未明发朔气犯襟裾露华袭毛髮仿像滹沱河幽
事期可悦旅雁起寒塘疎林耿明月挽彼歲寒姿然其共明灭岂惟苏奚奴政可烘履袜黎明
詣萧寺餽糜随盥栴风廊謔谈僧蒲团寻老衲堂堂大圓照此渠亲记荊緬怀汤惠休妙理颇
詣絕超然宴法窟胷次包禹穴闡师遠游孙卓卓霜下杰真成一角麟笑我缘盍鼈寂子延陵
秀晖映敌冰雪渥洼真龙媒作驹已汗血刮膜借金篦嘉言霏玉屑德星每难聚顾兔复易缺
紫霄上防岷石鏡悬瑩澈幽期不嫌頻难遣芳歲歇

次韵谢朓观朝雨

凉飈起屋角防云天际来撼撼荷上雨冉冉自阳台軒牕积余润竹树絕纤埃懶放事幽屏柴
扉为谁开肥遯病使然黃門岂负哉可怜南巷翁攜鱼柳貫牕餉我共杯盞眷焉久徘徊凭虚
耳热后褰裳望蓬萊

奉同伯固驹甫师川圣功养直及阿虎寻春因赋问柳寻花到野亭分得野字

曜灵运行春蘅若被原野客子具归驂暄风挽羸马属国贤耳孙当代豪长者胜游参羊何重
客或屈贾木末仲宣楼华櫺大兰若徐步幽屢寻销忧日聊假手无垂露资发兴为君写晚过
岱宗吏寥濶存大雅牺樽追三代琴筑观九夏粲粲悬牙籤照眼不容舍归酌顾建康我实陪
樽下雄豪先竞病迟遯濒喑哑匪惟称行乐性灵赖陶冶他时傥重来更结离骚社

里儒程君穷居教弟子员喜雨作诗见贻次韵谢之

柴門臨江皋炎蒸頗云極金稚无壯心火老有骄色慈云办甘雨电扫不容隙劳生天边月躔
次飽更歷緬懷程夫子热客难造席涵濡被童防肥瘠各有适壤材构露寒挥斤由匠石不邀

里间敬人自观至德鄙夫极荒芜何能臻壶域弱龄再鼓衰囊弓避勅敌萧然專一丘非關与
尘隔董生悲不遇而我异休戚高林收晚霭归鸟俱敛翼诗成独防吟长怀矫云翮

游同安寺

雨歇涨江急野兴聊胥疏漾舟拂林表击汰惊飞鳬云端僧坐夏遂造林公庐猊坐演妙理法
筵沧海珠舌本落雄辩奔放悬江湖巽公庭宇净炉烟堂晏如略无客造请杳黑耽毗卢吾家
大长者惠光充太虚著论役天女宝笈负于菟开图拜遗像悲叹随卷舒归来掩闥卧念冷无
羸余譬如能囊鞬境界自于于

和苦雨韵

春归已獭祭防绿先道周衡门少灯火征夫竭干糒雨工挽九河洊作南国忧君诗形苦词高
义薄中州歌声满天地宰物能闻不凡今世贤知毫及谁不偷唯我与之子炯炯定寡求安得
习习风冻桡新萌抽遥山涤余霭归云下岩幽紫凤防骞翥百鸟劳喧啾苍生得税驾王度日
清休醉眼 章句烦君为校讎

游简寂观

仲夏暑方壮游子巾柴车崖断 空旷遂造羣仙居濶步烟霭外追凉晚风余泉声逺逾响猿
挂时相呼仙人翔寥廓曾不念故庐苍珉礼斗处往往闻笙竽我复恣云卧悠然隘寰区妄念
鼓不作长歎聊虚徐

奉酬萧子植

太丘廊庙具活国方畅谋虎豹阨九關全軀荷灵修元方开美度奋舌同尊周悠悠释峤云亭
亭留海陬别时闺中女娟娟未知愁小襦绣烂漫擷草鬪新柔甲子歟流电窈窕今好述择对
得妙士迈往气横秋既逾絶尘到复軼黄中刘属者过我庐并坐崖谷幽高标极迴映出语如
防搜想当饱四库那肯事五楼回首问童稚颇有此客不分攜月屡殷好音俄见投蛮牋落大
句豪润仍清適顾兹坦腹郎信矣百不忧侧闻奏云门总章定谘諏翁当乘安车姓名覆金瓯
水清遂赐环德星聚中州陋巷寡轮鞅寒烟满林丘涤耳聽老语余生复何求哦诗聊送似长
怀付溟鸥

奉酬湖阴韦深道

淮南废沐浴望汉三十秋丞相发防耳卫青奴虜俦终借汲长孺毅然寢陰谋正人国之纪进
退系戚休鶚立耸朝着深藏耀岩幽湖阴有真隱趣尚协沧洲奇胷饱风霜大笔森戈矛急贤
甚渔猎网罗英隽收终南与少室朝暮拔其尤胡为卧江津尚阻瞻冕旒顾令蜚栗犊升禋荐
園丘开轩榜独乐高躅追前修志士遗草泽余波及汤流益使山林尊豪夺不可求但恐赴陇

书未能逃大搜嗟余牛马走鬓斑年亦逾烟霞入种艺松桂助颺颺书来挟妙句眷言颇绸缪
乃知气先感臭味还相侔诗成月生岭回溪上明楼

奉酬石元涇

往时万石君诸郎皆孝秀身自浣厠鹵已足垂不朽君侯驱卉木去病如涤垢以兹壽白髮不
落西京后新章来全楚爽气起怀袖覓句代寒温慙非报琼玖

奉酬程子尚

彼美洛阳人贻我栢梁句艳雪敌清妍春云多态度忆昔郎官湖秋风落烟树使君出程门萧
萧髮垂素平时仲尼履尚可藏武库不见扬子云欣与侯芭遇况兹得小阮风流肖诸父旷怀
沧洲期協我尘外趣尚无金玉音归鸿来枉渚

庆上人以再闻诵新作突过黄初诗为韵作十诗见寄次韵酬之

鄱阳山水国东南一都防朗玉得斯人駸駸越流輩岛可不足吞支许欲追配新诗如弦簧竽
眇歌一再璧公释门老室有芝兰薰昔为一逢掖直谅颇多闻枯禅百无染静拥囊汉云不随
儿女曹拏旗树功勲蝉噪嗟齐梁凤鸣推沈宋诸人勤着脚何尝窥妙用独有杜防谋变态无
与共絶唱冠古今孤高追惜诵嘉平送余运丘园先欲春东风堂堂来不畏北风嗔缅想萱芽
动高标压常珍川岑互映彻草木俱鲜新吾友韩子苍雾豹閤闕钥一朝出阴崖蓬山真著作
絶伦共推让痛扫净瑕膜行矣貳紫防居然赋红药材名参上流徙薪知曲突趣向期真源悟
悦须法窟楚谣与汉风要自非凡骨幻药不可当灵根贵英发我生如鲰鯁漏顿补过涉世
任风防唱予聊复和髮短巾屡欹食艰齿仍堕自嗟叔夜懒又疑武侯卧田园本地着耕耘不
忘初修桑复浴种力作共征输荣名愧八俊典学欣三余安敢望挽汲云林当晏如子居招隱
岩妙解招隱诗济胜良有具幽讨捷若驰秀峙王郎子斲句时相依异世得岳湛连璧真妍姿
札札寒女机织素工流黄何如风尘外翠袖倚修篁幽居 天末肯傍霍卫墙饗人解鼃处谁
能染指尝

九日奉呈元亮兄

穷秋风落山歲事防转轴萧然四壁空触眼困羈束我尘已生甑兄亦未有屋少也不如人自
视真陆陆北阮乌贺兰絶影追风足谁知荐園丘乃用蜚栗犒弃置勿复陈万事蕉梦鹿渺
天界高宫黄着畦菊能来慰艰勤浊醪巾可漉虽无熊耳杯要自尊中渌属厌谢珍羞无祸可
当福回观夸夸儿往往加烦促

用前韵

离索未相逢情亲在诗轴归来两丹枫诗作牛腰束妙语挟风霜劲气穿我屋眼中识慈明尊

下慙小陆念昔少年时洞庭思濯足援琴写将归临河叹鸣犊正尔巢一枝何劳排五鹿江阔洲渚寒防风泛时菊剧谈斗低昂露草复淋漓谁家酒杯宽满引瓮头绿何知程卫尉未暇顾借福鼓枹牵牛河防觉沧溟促

农家三首

力田徇所务蓐食赴其劳譬之贾欲赢畴能恶喧嚣逢年未前期敢缓芟与薅黔雷无偏颇多稼埋牛尻仓廩自兹实含饴弄儿曹

自我曾高时以有此土田一朝均租赋吏文沸相煎南邻势炙手北邻富薰天歎聚乌合众变诈挥金钱本心抑兼并瘠土赋委填如闻下温诏膏泽为洗湔但愿多乐岁鼓腹常便便

牛羊腠以肥鸭鸡大且硕里正少经过谁能事烹击年丰大作社妇姑得纺绩吾生本完肤箴砭困无疾十年遭追胥翻倒徒四壁从今得安眠络纬鸣唧唧

闻官军已破贼巢

海内政不苛民望罢危苦剧贼藏祸心全吴俄歎聚僭号着赭黄窃发遽如许喧然大防兵移檄插毛羽推毂遣军容壮士皆貔虎府县调急夫骚动烦里旅富室赍金璧细民携妇女岩谷逋遁逃股栗畏刀锯寒儒守松楸効死安忍去南风吹捷音破竹闻吉语圣朝乾坤大鼠辈敢予侮妖氛已荡尽和气满南土但愿勤民瘼治安每危惧昨抱心腹疴砭剂得良愈要于匕筯间毋忘伏枕虑诸公颇皋防临轩跨尧禹鄙夫刍蕘言庶或资小补倚松一长吟停云洒朝雨

吕信道以诗见遗作五字句报之

江州持月旦严于亚夫营君为倒屣客濩落四坐惊我从鄂沔来防面邾子城新诗照牕几颇复深而清作人有佳处喜客家酿倾幽花不遣赏未免遭讥评何当小拂掠 饮罄玉甍

有庆上人数以诗见赠庆始学诗于祖可尔来摆脱故步进而不已未可量也作短句以报之

昼公无恙时句吐春空云笔端敛万壑中闻清夜猿门生霑賸馥派别自渊源深岭萝月妙纵观岚气昏时防一顾重腾骧空马羣大师于越秀幽气如芳荪玉笈发金籥阔步登词门脱略尘外躅摩霄郁飞翻岂惟足风露定复多皇坟昨枉招隱句深靓丽且温挽我诱松桂要移北山文诸郎短兵接此事独策勲慙非钟嵘评更休知音论

自武宁舍舟度岭投宿南山寺

水落晚滩澁云生寒岭昏舍舟步崎峰郁萝陟松门孤烟望墟落浮林自一源野杓方屡渡槿篱时扣閤弄孙何许翁夷面复鸟言问津了不解路穷斜谷分暝投古兰若钟磬清尘根犹疑

武陵客误宿桃花村

游真风观

缘云得支径遂造幽人居夕风冒梁栋苍苔上庭除仙崖衣襞积玉磬韵虚徐回首尘外躅浩歌将焉如

归来堂为韩子苍题

出处无定在阅世關盛衰令德山林尊昭代丘园非达人解其趣颇复择所归渊明傲世故葛巾风歛歛偶随出岫云戏作三径资少日辞吏去新菊亲风期韩侯极简秀早防当宁知未吐五色线小试聊补遗高咏少司命乘风载云旗一坐空无人安能免深排昨来天东壁少欲乘泰阶误随晓星去流落天南陲得县篁竹中簿领颇沈迷奈何训诰笔反用催科为度堂痛扫溉胜气自尔随风度牕户急云生梁栋迟不减田园居归去将安之窈窕青禁闥沈沈黄金闺至尊下温诏羣公歌式防行矣戒徂两长吟收夕霏

晓发章水道中有怀伯固驹甫师川养直劾何水部体以寄恨

幽牕未全曙百鸟忽忽鸣分袂防心侣归艎章水平寒温乍回互适兹凋两莫水南花未放水北柳浑青春物防骀荡浮云俄变更念昨一笑适愁分两地情缥瓷举桑落醒醉醉还醒

日涉园集卷二

宋 李彭 撰

五言古诗

发故篋获端石蟾蜍研形模极小盖予防小时几案间物对之肃然如与故人相遇感而赋诗

谁从浴日渊得此赭虬卵雕镌劳哲匠蟠腹目仍睥良非铜雀渴颇觉凤咮短忆昔少年日濡毫辄涂窜苍苔时覓句赋雪起为乱麟经析凡例羲易明象象冉冉桑榆交忽忽颜鬓换发囊逢故人清梦聊为唤李膺交北海中郎识元叹当时临所遇与我意俱满翻思辞学官瞰月复不浅起予刚直曾往往期并案愿同恋栈马作我郊园伴新诗真类俳破睡资一粲

宿开先

建业未焚棕荪山实灵囿推轮碧眼胡笳老勤井臼草树百经霜往事如运帚远怀一味禅徒酌三昧酒寻源彻河汉窈窕出幽窞卧看落山腰双鸟起惊救稍深藤萝昏扶藦入径取伽陀古录钩殷勤牧羊叟砺角烦羸牛外苞薜纹皱往者不可作念切病躯瘦眼明逢岛可秦度复畏友俯手携阿连 搜逃折柳竟亦不能奇荒芜但如旧更须寻紫霄寒防视牛斗

寄侍其云叟

建业有高士幽栖閤嵒扃时从出岫云缥缈来青 昨者修水头伴我骑长鲸貌古心更古肤清神愈清朝谈织乌坠夜坐玉绳横辩舌不挂壁泊然忘讥评峰琴孤风啸麈尾飞电鸣慈明投祖去霜风助扬舲自我不见子三占少防星殷勤行沙鴈素书每丁宁悠悠望尘友变态鸿毛轻盟血未曾干飞语聊相倾少闻高士风汗下颜甚赧吾言盖有激因之见交情

宿云居十住轩

尘事起濫觴汹汹涛头聚对镜眼生花寻幽心脱兔欧峰阻跻攀榆柳春再暮维时春作夏起我勤杖屨扞萝惑去蹊陟巘忘故步大壑埋白云阴崖崩老树紫纒幽鸟道突兀升洞府脰眉老比丘倒屣防顾遇曾未契三關遽已栖十住晖晖天横参稍稍牕送曙华鲸破短梦山禽唤新句伊予羣念息亦遭回俗馭徒为三日留复在邯郸路

雪夜戏玉侯

望舒离金虎晚雨幻玉沙触楹势颇疾打牕风正斜西家有胜士梦回笔生花孺人近行迈章江驻云车银屏拥绛桃绣帐戏兰牙翫停短辕馭清欢春思賒陋巷笑短李柴门蓬藿遮短褐对孟光冰柱吟刘义想君独乐时覓句剩欲夸脉脉无由语疎林集暝鸦

对雪

晏阴城郭昏穷巷寒意沍回飍卷玉尘稍稍凝曙露应烦阿香手终日春薄暮独鸟避寒柯惊
麝迷故步木冰达官怕向来闻此语拥絮卧北牕鼻端从栩栩

遣兴

弥年倦行役丘园旷幽寻殷勤响晴晡为我贻好音梨花映皓月犹作故时面归来雪如花坐
看花如霰中朝悬美禄椎锋号能军而我于此时不武亦不文平生严子陵故自狂奴态箕踞
问君房素痴宁小差上马须不落起居善何如吾生行乐尔何用明区区

谢灵运诗云中为天地物今成鄙夫有取以为韵遣兴作十章兼寄云叟

严霜知劲栢大节见固穷怀人居白下抱道立黄中秦淮浩茫茫楚山耿丛丛胡为恹音素过
尽南归鸿达士庶可慕劳生良足悲君看嘉賓黠何如方圉痴荣衰等湛露变更如剧棊防防
万事定何用机心为学诗如食蜜甘芳无中边陈言初务去晚乃换骨仙我昔实知此老懒挽
不前儿曹喜吟讽快意艳阳天曩时阮步兵埋照每沉醉是身托麴蘖真若有所避谁知名教
中固自多乐地花气杂和风相我曲肱睡西京执防郎老嗜杯中物观其所著书澁读由蹇吃
剧秦见平生何心窥髣髴唯有四愁赋至今犹炳蔚孔融天下士荀彧双南金既为阿瞞用复
为阿瞞禽独闻管防安龙蟠沧海深难用固难杀耿光垂古今器博无近用胷中要纵横腐儒
昧行藏寒牕守一经营营市道交务利如兼并无复典刑在况当观老成阳城海内豪隱居晋
之鄙养此冰霰姿諫官安足起欲沮延龄相悠悠自风靡何以昭无穷政赖有此尔灌园如结
庐畦蔬如养雏敏耘斯易壮稍墮或攘瑜卖菜厌求益得酒聊歌呼醒来北牕下解衣诵潜夫
幽云生檐楹落日挂戸牖茂树发华颠归鸟鸣高柳春风可怜人举兹为我壽行乐当及时浮
名竟何有

次韵吕居仁见寄

井铤澹疎烟幽忧废寒暑孤云起幽屿泽物犹能雨殷殷空里雷何曾濡厚土燕鸿且长饥谁
能投枉渚知心不识面公子实楚楚五叶活国谋摩挲噤不吐胜日覓羊何幽期得支许才高
赋雌蜺识逴辩鼯鼠兰荪无异县臭味同此举开歲欲问津梦逐寒江櫓

次九弟韵

观山如观画入眼诗辄进厌则收卷之去留情不吝老境喜平夷落纸风雨迅谁能肝贤愁虚
名媒疾疢属闻殷国师已发吴越轂破竹擒诸偷长纓收犯顺官军将解严胸怀俱朗润小鴈
读我诗出语亦遒峻流霞噉槁顏如彼潮有信但愿吉语闻称觴兀斑鬢

次韵元亮行沙头

甘雪饒余运行春慰清愁旷怀万物表妙趣寄沧洲视我园中蔬陈根发新柔恨无清渭姿入
泾不同流老鴈唼菰蒲非忘稻梁谋天涯网罗密所以挽不留倚杖一萧散好鸟鸣林丘谁同
北山老不动移文羞仲兄傥能来长啸狎鳬鸥

再次元亮韵

艇子打两桨石城催莫愁不嫌波浪阔但惧水生洲大堤多女儿草暖复桑柔盈盈成雅步皎
皎临清流翠钗挂人冠自作横陈谋非无一时好高懷詎能留朝歌回墨翟饋药逃东丘此岂
聊复尔颇似怜包羞长吟望烟际飞来双白鸥

从弟用前韵作人日诗见寄复和以赠之

涉七日为人眷言空复愁既念禰处士骨惊鸚鵡洲更怜刘太孙择乡得温柔二儿千金躯轻
生随转流樽中有欢伯一笑为尔谋白髮生如寄时驶不可留我有腾化术长袂挹浮丘若言
可持饒定免二子羞烦君一来过春色着汀鸥

次闲叟见寄之韵

王侯气迈往青春颇干禄任侠似朱家甯身脱冤狱甘随支遁游不作子公牒着鞭投前地嗜
山性尤酷遗民卧江汉无心谋半菽数面遂成亲开怀注醪醕新闻倒青箱说论尊黄屋禅防
灵运前庭列山陰竹好乖当语离作恶徒满腹西风挂席归清谈渴心足汉庭今侧席公道追
黄鹄莫作稻梁谋营营辈鸡鹜我自宴山川坐啸临长谷

次瑛上人韵兼示驹父

营道烈心脱脱叶危欲霜游子多苦顏世故定未忘解包只园下暎带瑶林旁 窕寄云鴈万
事炊黄粱今君华亭姿俛啄不得翔相期防金匱妙趣诣方将

次韵谢吴国器见赠

然诗家流谁能补其处隽逸追莫还芜漫推不去譬彼玉花虬絕尘须善御越女动鸣机纤
纤工织素吴侯勇于文銳气发睂宇既度骅骝前边幅时得覩宁当缚防官一掾妙三语病夫
樗栎姿毫及那受斧新诗欲招隱便自忘劳苦眷言谢心期愿公毋矫举

三益斋

知人实未易定交良独难胜已谢容悦有来期必端明公迈往姿劲气摩諫垣确切金石贯博
极溟渤寬遗经起凡例射策凌孔鸾睥睨汉庭右言激壮士肝耻作子公书肯弹贡禹冠小试
不尽妙银章楚江干抱牍鴈鹓行欲作故时看弹治非柱后缩手心胆寒何尝扰狱事民自以

不冤如卿未慙老此语垂不刊虚怀望三益阅此贤士關要須得伟人阔步未登坛拜公丈人行
摄衣许跻攀反防补我劓况复亲芝兰防心在简要我言真觉烦章成谢不敏猥并劳一刪

庐山道中望天池诸寺

篮輿造林口暝色归暮田槁木半摇落羣峰翠回旋翳翳云门塔霏霏只树烟夕梵落云际防
钟下遥天平时笑傲处真成观辘川岩壑事难必赏心难舍旃还将九节杖踏月上危颠

游庐山怀叔粲季敌兼忆小子氓等次谢康乐寄惠连韵

诸峰靄遐瞩上与箕斗近西风吹人衣萧然无畦畛烟霞入诗句欲吐初未忍但恨数往来幽
栖愧真隱真隱如虚舟 姑乘流何須长卿慢暮年称倦游钟鸣起菌阁天上隱琼楼焉能
诱松桂旷怀且少留少留平生欢看云复长叹芝兰念羯末茧栗惟雍端倚松聊停策意遠索
层峦风驶烟尚积雨歇云犹攢攢云本无心孤猿响山陰俯瞰白鹿洞仰窥紫霄岑何时攜诸
少清盟可重寻仲子日边去归鸦闻暮音

次环中韵兼示蔡安叔

征君遂偃蹇乃复肯见过清秋雨方閼断蛻犹饮河高论到正始往往操吾戈相期守雌一功
成乐婆娑步出云雨上长啸攜羊何

观诸少移瑞香花诗皆属意不浅次转字韵戏之

托讽本寓辞语亦要流转歛观移花作老眼顿忘倦勿矜风露姿未入麒麟殿行将顾眄称深
自兹见

次韵并示刘四壮輿

浣衣起筮仕钓璜辞碧湾朝来玩西峰聊答马曹闲寂寥汉庭中二疏勇自退复有一子云茅
檐甘炙背

絕江遇大风

江流平两堤艇子打双桨西畴阅多稼北风吹巨浪诸峰忽低昂飞鳧随下上欲为舒啸期兹
焉废心赏

喜闻防武元亮有归期

行云无定姿况复出岫心因风着孤屿怅望故山岑游子在天上胡为成滯淫巽坎浩难期關

河阻且深向来一纸书何啻万黄金未射汉庭策不妨梁甫吟孤花春欲尽里许要同斟

赴隣舍招

虚舟纵逸棹冉冉成老大随食虫寄居行年蠃旋磨来归修水头视地不敢唾俚言亦屡陪灌畦常往佐每于休作时弄笔聊顿挫自谓老于斯晏然歌楚些年来尤屡空非闕学高卧时节间里欢觴豆竞繁伙我独蓬牕底达曙发清饿赖有竺干书开顔真自贺近局可怜人鸡黍起顔堕整冠礼甚修坐客仍虚左浩歌为之倾樽为歌长破

题兰亭修禊图

商飈吹汉皋水满郎官湖狂策上秋兴拂尘观画图娟然春风面觴咏聊欢娱中有超絶人髯髯多髯须笔端吐奇胷紫凤兼天吴草木方变衰安得兰蕙俱生绢如无有酣放间歌呼可怜谢余杭沾醉欹坐隅诗慳遭重劾罚酒输行厨遥遥数千里定交在须防金谷望尘友鸾鸟何其愚嗟彼许敬宗握笔侍玉除将图来此传悬知不相如画中见胜韵真欲诛奸防临风增想像鴈度晴虚

将游云居中途得佛鉴师到日涉简径归

呼舩凌曙江江空 黄雾 蜀魄啼啧啧寒雀哺道人大梁来折简须晤语为回缘云策小缓攀天路元因防心期非闕排俗馭青灯耿夜牕高谈杂疎雨

东湖夜归赋诗二章呈驹甫师川

春归土膏动草际来和风厉厉气又严晏阴似穷冬崇兰未含薰蔽芾萧艾中仲长久埋照幽期得无功湖光起遥裔淑景复冲融连山倒垂碧落日半规红不须劳意匠物色自无穷

弱龄百不堪寄傲及壮节从人笑数奇丘壑藏我拙客梦漳水头邻鸡鸣枯楬荷鉏挟新诗【一作柔】怀哉清夜月野桃欲着花防见堪黍雪当还灌我园终歳饱葵蕨读西京杂记十三首次渊明读山海经韵

南风吹新竹密密复疎疎脱冠眠北牕兴不减精庐缅思西京事聊开稚川书千古纳眼界恍若巾柴车顿忘在塏墉灌畦蒔佳蔬笔端真有口妙处天壤俱明如丹青手百幅生绡图举似儿子曹矜夸还久如

恢恢乐游苑游乐蠲苦顔怀风森苯防吐花耀流年秣骥无万里鋭气陵天山妙哉苜蓿盘信矣非虚言湛湛太液池气接昆仑丘雕葫紫箴辈茂密谁能俦鳬雏与鴈子遡波还复流偃佺倚黄鹄往往乘风游飞燕倾人国専夜居昭阳当时姊弟贵坐阅歳月长琉璃作牕扉金翠粲以光无复闻勤俭敦朴追文皇彼姝掖庭子王嬙端可怜咄嗟毛延壽媚妩移遠山一朝聘絶

域艳丽复何言画工戮防尽遗恨抱当年公孙发防耳猥作支厦木仲舒弃胶西白驹在空谷
脱粟饭故人安敢望薰沐齐人固多诈何由调玉烛长卿还成都埋玉昆山陰謀醉鸛鷖裘
然遯丘林卖醪着犢鼻滌器扬巴音谁知子虚赋遽愜武皇心子云识奇字辨舌非所长有宅
才一区安贫固其常深沉草腹如裹万里粮苦心梦吐凤流传今未央惠庄长安儒驰骋盘
珠走防藺璽栗犢五鹿不当负拊心困剧谈此中固多有口舌何足争虚名千载后淮南学神
仙逸迹穷山海著书名鸿烈精爽凜然在字中挟风霜反躬忘寡悔空余裹蹠金万世将谁待
韩嫣佞幸徒骖曲承密防长安有成言金丸不饿死平生鷄防冠于兹见操履安陵泣前鱼炙
手何可恃侍中着貂珥非无事君志杂用儒家流仕宦讥不止汉代从行幸亲近固其理何尝
裨袞职所执玉虎子马迁下蚕室发愤见良才伯夷观列传报嗟从来含悲复不逊安能避
嫌猜高文垂箕斗斯士今悠哉

读庐山记怀文若弟

茂树绕茅栋鸣泉响屋除胷中了无累泛览匡山书岩谷在眼界风烟来座隅时逢幽人语似
与仙者俱昔在宗少文壁间留画图澄神可观道卧游良不疎嗟予何徒役山腰转篮輿瞻焉
怀靡及登临将不殊聊凭西去鸟殷勤问何如

陪赵传道都防饮拟岷台诗

平生羊荆州雅意垂不朽登临发浩叹望秋怯蒲柳谁知如湛者自可宇宙邹郎不领略甘
言发防口奈何千载余卜筑拟岷首我来胜气生排霄峙山斗何暇知许事谿山揽明秀都防
贤王孙为具扫愁筹晴岚变晚靄霞绮粲高牖如开摩诘画妙处落杯酒长啸徙倚余孤鸿没
南岫

遂初堂为伸仲题

长卿四壁立寥廓无羸余子云英妙姿有宅才一区东山文靖公盛德压海隅五畝防不保翁
仲泣遗墟张融贫寄傲非水舩安居是皆知名士慷慨振古无只椽与寸椳乃尔未易图顷年
黄篋舫赤壁藏菰蒲尉曹得钱侯孤柁吞平湖自言家吴防曾高结精庐挟权彼何人连茵列
鼎徒出奇斯无穷怡顔享渠渠理世无冤民屡上黄屋书竟尔完赵璧幸免攘公瑜赤手缚于
菟防发壮士疽草木初无情和气匀嘘枯寻盟贺燕雀声乐闻鸟乌获鼎名其年作亭题遂初
如公已克家得防必充闻我居日涉园养疴聊自娱卜筑颇清旷风烟在衣裾问舍经始难觉
公言不诬诗成增想似疎钟暝虚徐

晨起

晨起盼庭柯冲襟澹无营犹疑夜来暑幻作秋气清蒨篱鸟雀语各自谋其生安能从物役月
落修渚横澹澹故园月晖晖垂屋星阑夕伴客语已复过我庭谁为旋其枢未觉顾兔灵要知
本不动莫作流转惊

宿康王观

流水赴大壑孤云耿松门风幡动林杪步屐烟景昏
矫掌俟幽讨高怀定谁论浊醪有佳趣溪鱼供晚飧
无名窗外鸟催曙武陵原

重过康王观

忆昔寻远山停策康王谷烟昏钟韵防林茂鸟归速
羽人虽稀少落日见樵牧徘徊临清溪溪鱼白于玉
并游防何人槁叶下乔木回首十年梦前尘那可复
欲去且少留残霞带孤鹜

醉起

恋花歇昼眠汲泉醒午醉潜筠雅相携侵堦那复避
防风过方塘郁郁送荷气丘园羣卉木论品识根柢
譬之足谷翁羸缩在心计借问有何好是中固多味

豫章通守李侯苦痲瘍卧舟中约予相见

云断夜来雨傍舟渡前溪波涨回汀没林端远岫防
故人方抱瘵有约吾忍违夷犹理归棹天未放朝晖

刘越石

苍岑玉峥嵘寒林深窈窕石如马鬣封其中藏二岛
匡山尝款门烟扉耿相照瑶堦既肪截侍女亦云缈
兹焉谐所求蝉蜕出尘表自尔絶问津日月数过鸟
摩挲坐久如藤萝歛猿猱

寄刘壮舆

曩者刘中允悬车未华颠骑牛涧谷底终岁饱风烟
至今草木间余光发幽妍秘书百链刚凛凛森戈鋌
劲气晚汲黯高文倬史迁当时补袞流气焰摩苍天
一语不合意归来枕书眠急流勇自退已度二疏前
检讨少壮时嗜学勘丹鉛防官裹黄绶雄名敌青钱
聊为三径资未减五柳贤荐书到禁闼信史多官聯
仙署得董狐笔端直如弦季札羸博垠归兴何翩翩
掉头不肯住引防黄篋船昨来离山东防羣儿喧一
朝挂其冠谤语无由宣顾我牛马走定交良有年相期
实高蹈饮洁鸣风蝉虽无元龙豪问舍仍求田同采阳
岗薇共酌阴崖泉来往成二老庶使万世传

宿慧日

幽牕着曙色匆匆鸟乌啼軫念在遠壑发轫离苔谿
泉声作好语挽客来招提老衲道机熟空洞了无疑
霜钟耿晴空上有垂露姿暝随噌吰声直与云汉齐
摩挲不及去行云防东归【钟

上有儋州题名云元丰七年九月二十三日眉山蘓某同參寥禪師登樓觀雨】

喜元亮归

念君赴修畛值此春事晏坐牕居人愁木末遊子遠平時樂羣心亦起隔津嘆南風不解愠執
熱要排遣好鳥噪檐際冰玉來照眼歲華防何時莫遣費牽挽茂椒悅可人勤來或忘返

日涉园集卷三

宋 李彭 撰

五言古诗

修源

修源寒皎镜湛湛有余地居然起滩瀨无复保夷粹人实不易知出处非细事悬知成小草何苦辞遠志饥求仁者粟不用滥乞米清言岂置患高谊世所韪君防陆平原华亭思鹤唳季野虽不言四时气亦备一饱防有时幽园动春意

宿翠岩

开门望西山歲月已云积及兹一登眺风雨送行役緣云路崎 憇涧钟寂歷幽讨良独难防吟夜寥閨呼酒告竭不果饮徒饮浆因次渊明述酒韵

贫贱俯中歲没齿甘无闻藿食屡清饿势与膏粱分斯滥非我事浊醪饒归云橐籥从告竭不废抱皇坟嘯歌夜漫漫曜灵未能晨岂非杜康絕督郵那复驯壶浆当觥饮举白浇余唇飞霜凝暑路调齐何殷勤不堪饒亲串一笑貽文君悠悠缺防界本无莠与薰亡于天地间而生经纬文东丘终反鲁仲淹世居汾懷宝何必售千载犹心亲伊优与肮脏荣衰本同伦

小轩前菊花玉雪可念今年忽变鵲黄作诗小话

幽轩种佳菊得秋耀素华颇与尘外客特来当煮茶赏尔贞洁姿珂雪净莫加今年日在房晖晖弄新葩谁令色无主稍稍作此花长吟复三嗅亦复长叹嗟汲泉蒔根本蓝田待琼芽

观访戴图

闲庭秋草积满砌苍苔深忽向水紈上聊窥访戴心雪月俱皎皎风林互森森纵观停舠处犹闻击汰音终身剡溪曲何尝返山陰徒言兴已尽真妄谁能防浮生同尽尔慷慨为长吟

别何肃之

吾党何水曹明窻饱书传笔头梦绀桃秀句出黄绢胸中万壑冰璧月共凝遠未受沈范知苦乏崔魏见効官三径资立节九秋干随牒修水漬未减潘懷县谁知舞文吏抱牍进鳬鴈烦苛困疲民欲作抔沙散谈笑罢迫胥老稚无遗患春风吹城隅花柳俱纷衍胡为动归艎径去不受挽病夫卧幽园念离情莫遣营诗持送君愁云横絕巘

遊资圣庵遇明光明祖首座

久从招提遊妙趣崖谷迥自谓颇造防何由昧斯境絳气霭秋空白雪【一作云】屯夜永华屋防修椽皎月浮藻并壤衲逢阿师苯防髮垂顶简默近道要虚夷发幽省念昨分手初霜飈虎溪冷及兹再防面老色蔵秀整属予妄缘息值子尘事屏循涧意无穷扪萝度前岭

寄云居防首座

天星粲以繁斗杓横复直其谁移人间罗列遍阡陌绮纨沸笙竽觴酌事几席遥怜山阿人聴钟夜寥閨孤峯最高寒陰崖四时雪许分一派风濯我朱夏热江臯春事归峰头犹凜冽报子以回飈草木亦欣悅

客有以贗铜香炉见贖者感而赋诗

巧匠资妙手斲泥冶金炉云雷载蟠腹金石砻慢肤外质荷润色中局嗟厚诬岩岩金博山水沉与之俱青烟耿朱火郁竊凝空虚香色暎华觴【事见汉上题襟】噴薄满座隅谬当二器间顔泚意不舒如闻厌浮伪此物无贏余勿云识真少为谋良自疎

次徐十题承天壁韵

权门嗟来食诸郎愿操瓢独有聘君孙诗裁九牛腰南州翁仲泣祖风端未遥汉庭给扶人进随退晚朝凌烟在何许潘镜二毛雕抱瑟懒来齐啜羹常见尧与子同臭味何时共仪韶

云芎阁为简寂赋

匡山苦雾里冲晓度前溪定是柴桑老来防陆链师谁复飡霞客天籁吹参差泉妥岩崖白云生梁栋迟若忆辽东鹤似聴淮南鸡西隣约惠逵同采此中薇

雨过清晓登邻宫钟阁

倦夜思重阁曙登兴悠哉殿古木亦老江阔眼逾开宿雨风前落幽云镜里来高懷无一欠客底悲徘徊书空复长啸乌雀莫相猜

泛舟【时从弟俱行兼怀从兄元亮】

暄风吹天墟淑景来日涉繁花已舒顔晴晡复缓颊平生万斛愁頼此短兵接俯攜诸少年清江玩舟楫波平罢牵挽论高辟嚙嚙懷苟慈明冰霜胸中挟食贫傍人门官学居建业向来疥遂店性命危脱叶胜遊夙昔共大句常岌岌回头见小防颇恨暮山叠何当奋飞去碧云端可躡

过渊明祠次还旧居韵

往者金华公 赐环燹道归 笋舆过柴桑 彷徨有余悲 荒庭尚如旧 物色人事非 寒风起虚林 木叶无复遗 榛丛傲霜菊 讵肯相因依 二事堕茫兹 理未易推适 堪作废朝总 芳俱不衰当 有旷达人 橐金烦一挥

北齐校书图

嫣然粉面郎 上马能据鞍 身非行秘书 亦复磨铅丹 六籍火攻余 渡河惑亥豕 毫端虽有神 颇能正朋字

自襄通巽桥防幽

谷鸟唤暝姿 孤钟生晚听 危桥澹忘归 岩壑耿相映 潺湲见机泉 窈窕入云磴 遐瞩野寺门 忽尽山阴兴

醉中戲贈淳上人

上人汤休徒 肯顾亦云屡 衣上鳳栖云 辨我林壑雨 殊方怨别余 苦乏碧云句 禅间傥能来 聊用慰衰暮

到家用环中韵呈玉侯

客子倦行役 失席高轩过 胡床语清夜 皎皎天无河 勃率自理窟 何劳触干戈 兰摧玉久折 萧艾空婆娑 彊进忘忧物 无如作病何

遊仙二首

昔日汉公昉畦 真人旁试此 尘外姿持献 分甘芳神丹 为之壽千里 还故乡 効鼠得被具 妙处固难忘 云生五亩宅 鸡犬亦得将 应持八琼文 徃醺九霞觞

江叟防寂土 邈非刍豢流 悠然扬舲去 路穷仍曲讴 野笛三防罢 变征荆卿愁 我懷乃昭旷 兴寄真沧洲 只应清夜鹤 时过缟山头

夜饮

公子敬爱客 高防不知疲 樽下殷勤劝 只以慰数奇 乐怜张女弹 舞倦秦王衣 持觴不作难 霑醉倒接防 客子歌言归 主称露未晞

七夕

儿时闻天孙今夕聘河鼓鸣机应暂停飞鹊桥邊渡藁砧倦服箱舍策息怨语常时别经年雪涕作零雨念各非妙龄无复啼着曙痴儿去蹇拙芳樽肴核具颇怜柳柳州文字稍夸诩昔在台省时模画秘莫覩奈何吐愤辞投荒犹未悟性与是身俱巧拙有常度何能谒以获讵有期而去悠悠区中缘当今爱体素

得六弟书有归期

茶鼎起松风明窗共昏旭孰令着征衣贫病为推轂畏途阻且长况兹加烦促忽传尺素书欢喜三过读蔽芾恶木防前修慎其独缺月耿孤桐归云赴深谷吾拟诵招隱残章留子读

晚登钟楼即事

幽栖无热客地僻自鸣蛙危楼一登眺晚凉清兴賒疎林方寂歷恶木半槎牙五峯在北户慰眼落 花危檣渡洲渚暮防收日斜峦岗念徐稚去及东吴 雪山轻几许高士正浮楂南州苦牢落秋鲈寒可义愿懷张校尉莫作贾长沙何繇致叩叩翠栢故啼鸦

夜聽从弟荣绪琴

凉月耿茂树防风薄疎林令弟肯过我清夜抚鸣琴妙生徽轡外虚夷有遠心哀猿山暝啸凝笳霜霁吟胡马惊朔吹楚囚操南音王嫱穹庐泣校尉汉恩深翻令旷士懷数行下沾襟曲中颇清壮攫醴蠲烦滛亚夫军细柳令严夜沉沉我友擅丘壑颇遭鸡须侵营诗貌烟霭辞慳负幽防画师虽无如沧浪一蹄涔借尔山水曲轩豁穷上岑勤来商畧此胜处要同斟

扫除尚书公冢下

平原令仆射精锐畅人谋当时焚諫草安知即山丘零落三十年谁其追遠猷只今忠义风夜夜鸣松楸啼鸟劝行沽催花生道周遺墟泣翁仲荒蹊风马牛非无玉树郎抱官在中州悠悠生存子那得不沉忧

读扬雄法言

子云老暗事晚乃着一书经营极浅易艰深聊墜涂终身作雕虫出语嗟壮夫苦笑屈原智颇怜晁错愚丹青果变玉美新孰非防我麟不可羈投阁将焉如侯芭痛领畧见谓老易徒小儿杨德祖鉴裁自不虚

拟古

彼美如花人如花复如玉嫁作征人妻别长欢日促拂掠可怜妆翠袖抱幽独飞狐驿使断交河无寸牒春着巩梅繁风吹秦树绿草生森莽防谁能辨蕤蕤啼里花成子愁间笋为竹雨滴翡翠帷月上寒蛩褥稍知狭邪游能忘窈窕淑新人工参差故人勤杼轴悒悒为病媒经纬有边幅苦言饷夫君夫君当熟复告君君不知我自蓺兰菊

题洪驹父徐师川诗后

籍甚洪崖孙高寒欲无敌徐郎聘君后挺挺百夫特堂堂无防公户外满履迹虎豹雄牙须侔流甘辟易徐诗到平澹反自穷艰极周鼎无欵识赏音略岑寂陰何不支梧少陵颇前席洪语自奇峻余子伤剽贼大似樊绍述文字各识职二子辨订恒鄙夫与下客粢食荐刳羹熊蹯杂象白殿最付公议吾言可以默

醉书

春风吹草木莽防换衰朽亦复吹我颜只觉成老丑连呼醒酒水来祛扫愁帚遣客我欲眠深怜柴桑叟以形模妇女笑度量儿童轻为韵赋十诗

孟夏树扶疎绕屋郁青青了无俗士驾啸歌颇忘形泄云閤前峰防雨自神屏蔬盂有妙理未减五侯鯖清晨澹无营按行芋区二雏能拜起婴儿千里驹抗颜捋髭须酤酒提胡卢幸非李元礼何劳为楷模潜筠穿屋头幽草围舍后手携东臯书竟熟俱上口诗无拟澄江文不夸幼妇婆娑丘壑底藏此牛马走丈夫志四海抁风类鹏举方其未遇时洁身闺中女昼伏夜动者贪冒如仓鼠炯炯抱名谊所慎在出处我有百衲琴巴渝不同调三叠太古音那免世惊笑彼哉遇噉徒睥睨追风骠幼舆虽折齿初不妨吟歎谢公东山时彻侯等尘雾一朝畏桓温摄衣忘雅素忽着进贤冠顿失沧州趣勇退真难忘天末横云度昔者温简舆王屋颇清旷建封礼为罗非复无度量落胆劾权臣笼街速官谤舆棧胡不归猿鹤俨惆怅少室拾遗公许身颢与箕韩侯为作牙俯交轩冕儿献策荡淮寇犯颜立丹墀未免诱松桂应遭北山移寻壑逐飞鸟持觴送归鸿不解世俗书稽古何所防从矣川效珍矧兹山不童应容陶隐居住佳眠听松风举世市道交谁能保荣名譬之多财贾恶器安得羸一身拱璧重万事秋毫轻向来冥寂士飘然逐遐征

七月十九夜有大星贯于西北

迢迢天汉星寂寂夜未艾孰居无事中差次若玑贝向来西北隅炜然独颠沛彼苍既悠远神理滋茫昧岂君坐逐客无乃勇自退嚙彼亦何为竟夕屹相对络纬啼井栏和我防吟内

五月二十四日晨起隔壁闻季敌营诗戲作此嘲之

阿敌覓新诗踪迹真诡秘如偷发关键大惧惊隣里防吟虫得秋幽讨虫搜耳排句归阵鸿细字列行蚁诗成胆力壮巨轴书侧厘远寄赏音人稍欲见名字但求皇甫序何暇公荣醴吾言

可并案嘲竟聊自洗

巢云亭

山柳排晴空羣峰助高寒危亭踞上防不在世网间晓窗飞鸟度暮檐余雨还兴多仲宣楼势肩天姥山落笔睨前辈血指空汗颜金华牧羊客句回造物怪眼界无一欠辞源溟渤宽防当践不朽夜郎今赐环

芰香亭

束髮事明主遇合诚独难譬彼佩犊翁襁褓功贵完明府真权奇汗沟沫流丹雅意独当御未享苜蓿盘诏许上紫殿占对随孔鸾底事寝不报鼓船下风湍顾兹未逢年于我颇复安治道贵清淨稚耄家相欢桁杨生木鸡榛芜薶西园方塘每制芰泽畔思纫兰灵修方布席下诏应赐环勿堕逐臣泪去蹶青云端

净芰亭

校讐淇园姿劲特傲霜雹论交不满眼入社难湊泊頼有此檀栾嫣然时解箨风枝兼雨叶调度固不恶结实何离离开花纷莫莫鳳鸟当来过歳华今异昨

夜坐食蛤蜊

紉紉寒鼓鸣稍稍华月上蒲蓐蔽幽斋夜鼎惊暗浪但见烹蛤蜊许事付尘块犷殼虽外緘甘腴实天相霜脐贵抱黄雀醢夸挟纊江瑶初脱柱蚝山怜叠嶂盘殮得此生风期特高亮如跨大宛儿凡马羞骏驂嗟予鬢成丝山林真独往防心不在遠坐有濠濮想

敦好轩

防心诚独难托契复何有曩哲有遗言定交于杵臼此风颇沦胥射利一相就口血曾未干转盼忽卖友夙心何由敦聊与眷眷偶是中白头新嘉德真耐久恍如对华觞心醉不在酒誓言山若砺此好那容朽商飈振庭梧明河挂箕斗

题范赞府覓先春亭

范叔老不衰周礼素独秉素标垂青衫不厌官踪冷抱牋鴈鳬行色笑辨俄顷园涉寒未饒和气君先领霜花吐幽香烟柳发新颖大钧无私酬播物厚兹境仁人所遊居寒威甘遠屏要当均此施草木清昼永

钱伸仲乞静照轩诗取逸少所谓静照在忘求云

往者多逸想山陰时见之肯持圭组面自尘丘壑姿竒伟不少贷确切无纖遗保全胜东山出
语曾未思巢许逢稷契何由致于斯乃比石卫尉此老端不为观其誓墓作岂复随家鸡忘求
在静照定体发光辉谁料百代下领此无言师元非折腰具聊复尉河西开轩延胜气不许賸
客随凜然防藺风坐用谈笑追悬知杜武库时与河阳期持觴望天末云树相参差直恐永和
日未能相盛衰径烦画幽处公莫惜鹅溪

阻风涛湓浦舍舟由山北以归

自发郎官湖挂席如江练系舟浔阳郭风涛中夜变攜孥坐菰蒲惊叹杂鳬鴈明当度山椒聊
寬故园眼诸人絕江遊同安大风涛作予适病 不能渡

平生湖海心舟楫雅所便扬舲欲寻山风涛怒掀掀中途得 疾跨马如乘船谁能于此时絕
江歌叩舷宁费赏心晤归作瓮牖眠壮哉二三子嗤防懦不前顾慙谢公啸幸免季野怜延目
望斜照归路山苍然

用陈观韵寄广心敦诗兼示陈

卧疴春带賸抱独眉宇皱歛懷北阮贫既亲亦有旧归欤 前期骑气劳侍后暄风揽客衣胜
处当宿留遣我次公嘲知君杜陵瘦

陈侯探禹穴辞源何浩浩佳处似陰铿丘里得名早吾家习主簿笔头妙挥扫花繁汉署香春
事随花鸟快裁两牛腰何代无贺老

四月十八日过师贤留饮归用前韵寄师贤

避俗非避世择交欣择乡共泛忘忧物聽雨对胡床江湖系舴艋夜窻灯火凉论诗中鸣镝辞
源注方塘韦杜骨已朽谁焚更生香我才肩培塿君自粲氏房玉人能晓此藻绘已埋藏破涕
欲为笑横膺复快快行矣勿复道孽孤政为祥

离云居道中偶成寄防先驰恭首座

久乐岩中趣未觉身世拙冬暖愁云开歲晏尘事歇山灵招我遊草木亦欣悅黄松少穉羔苍
崖对宿雪山川谁断取擎在仇池穴恭公雨花手防公傲霜节唤【一作睡】起随粥鱼谈余
钱山月两禅过虎溪一笑颇清絕归来武陵春欲向幽人说

日涉园集卷四

宋李彭撰

五言古诗

寄微先驰

云横暮钟防窻含远山曙卷衾正佳眠 鴈送寒暑观君弄泉手岂是缝裳具独鸟不西南长
懷天际树

寄徐圣功

暄风綠隙来窈窕过我庐新花已集目弱柳复藏乌故人怪音素定知中密疎客从西县来问
讯聊可娛幽窻含暝色亮月丽高隅意逐前云去微钟尚虚徐

以酒渴爱江清为韵寄秦廿四

春风草际归尔客向杯酒观化发珍藏俱为鄙夫有虽无雅颂姿囊之维杨柳赏春良独难深
怜鲁中叟倦防文园令病肺尘消渴句斡造化机云霞互轳轳慢世谁与俦嗤议从夸夺诚哉
死诸葛能走生仲达通籍金闺人物望侔鼎鼐醉卧古藤陰一往无复再卒业有刘歆学富仍
多爱定持柯亭竹遡日吹丹塞 晖擅江左遠岫列云窻佳句神其吐律身未敦庞胡为犯奇
祸双流带二江将智嗟毫及懷宝聽迷邦隋河苦黄浊不乱长淮清秦郎久埋照余子只平平
词林得此士隱若楚方城风流不顿尽惊人闻一鸣

用韵寄潘仲达

渊明解真意欲辨斯忘言我亦厌苦相颇复参鸡园潘侯隱于酒早悟逍遥篇两髯俱似防空
洞复昭然不作逐贫赋共结贫中緣临江吊公瑾登楼懷仲宣何须画麟阁从渠定天山君看
持汉节白首自丁年

寄甘露灭

疵贱楚江濱真遭女嬃骂自无交吕心从猜迫信诈颇耽麴米春寒柯一壶挂戲逃蕪晋禅时
赴拾遗社念我眼中人十烛九已炧向来支道林得祸不能嫁解羈蜚雾中万事顿高谢奇胸
挟风涛吐句端可怕何时织锦机纬经聊一借懷哉付短章参旗耿寒夜

次韵寄钱仲仲

简秀叹真长韶润思阮裕眼中人物衰政尔用金注吴产尚父孙思脱尘中屡嗜学颇惊竒于我实肺腑高材堪遗补伐冰非所慕时于鼓吹间自得鸣鹄句妙语随霜飗识我丘园路赏音吾敢辞当传太冲赋

次陶渊明赠羊长史韵寄李翹叟

遗民百念冷中歲多艱虞不希咸阳价顿有旁行书李侯妙德望闲雅亦甚都南郡此名流闻声十年逾披云落星湾情留厌归輿只今丘园梦君与川岑俱胸中书零乱清言不踌躇曩时樊道囚风神颇相如此翁蝉蜕去词林遂榛芜乃于羣忧中孤笑成欢娱冷官类逃禅未减汉庭疎何时招隱岩追凉迟望舒

还日涉寄吴世良

白珩蓝田生赤骥渥洼种异产非其源定自难入用吴侯掌武孙九鼎家世重筮仕如挽强妙手一一中抱牍鳬鴈行严惮安得纵捐金购竒书嗜学有余勇邳侯空插架而子颇成诵昨日章水头春风吹客梦开筵置清醴落月流画栋念子不负丞义士色为动梯山贡楛矢効珍出银瓮胡为百僚底歲月数賓送天边赏音意推轂亦云众他年解组归三径着求仲

次九弟遊云居韵兼简郑禹功博士

幽栖捐众累尘事犹抗行浮湛太古相却扫何痴生只园有胜践苍崖无俗情笋輿度絕壑雷雨下满盈矫首出岩幽斜日耿烟树 蟬断续鸣惊麈纵横去未穷山海迹兹焉赏心遇絕胜驰康庄车鲜马仍怒博士麟一角旷世独秀羣胸中藏箕颍笔端生风云平视楚倚相陋矣知三坟佛界饱遊衍草木俱欣欣阿彤荷衣时乃与此山别愿言奉巾屨不复苦炎热归来出新诗老眼聊一阅虽非天姥句浅淨亦可悅病夫世味薄野处随年深以彼有限景寫我无穷心緬懷太冲语山水有清音时寻松桂约勿遣嘲书淫

次韵谢朓直中书省诗寄冯彦为

泰阶就平夷风轨肃恢敞内枢方畅谋吴岫俄矫掌富贵践危机纷华婴世网诸生经济心缓带赤霄上黄金买蛾眉歌台争暖响未闻舜九官卖友变俯仰重瞳垂衣裳闾阖映荡荡均劳当赐环看公被嘉赏

次韵谢朓京路夜发寄六弟书因以督其归

问津实知津阮屐穿几两束装径防岨呼船凌泱泩老余风埃顔枯槁日日上屏居二十载寡求每自广眷言季行役清音当见赏声华慎交绥物色易摇荡得隼早归来毋为勤掉鞅

寄郭循正

粲粲有道孙丰姿复乱真养气如晴虹照映塞外春好大有余韵雨垫乌角巾典学万人敌谈笑五台賓篆笔压秦相翻笑蔡有邻长袖果善舞巨价藏百珍岂繫寂寞中见此妙入神平生乐闻善况我骨肉亲孟坚賛炎汉扬雄赋逐贫

次谢宣城出新林浦向板桥韵寄汪彦章

名郎摩霄翼径逐先贤骛奇胸如洞庭中藏万烟树忆昨易前期寒暑亦云屡虽聯台省班未減江湖趣老境專一丘病着随所遇何时过我来尝柑噉香雾

寄陈无感

忆昔怅有违平湖拍天涨公乘美满风乘兴破巨浪我归茅屋底念切情恹恍中间忽抱瘵此病最无妄伏枕辞鸣蝉秋风吹倚杖緬懷醉夷门歎咏真愜当颇复持漫刺曳裾谒丞相曩者金石交为子倾家釀肤清神更清年壮思亦壮兰台要给札抒写不流宕说言动主意湛思慰人望归防拂五老停舫当叠嶂不忘茗果期烟扉聊一访

余与刘壮舆先大父屯田父秘丞为契家壮舆又与予厚不数年皆下世今过其故居

刘郎平昔居门巷草芊芊念我眼中人骨惊泪潺湲中允实高蹈倦遊自丁年问舍得匡庐卜宅如涧瀟悬车着屋山骑牛弄寒泉秘书极精锐笔下走百川口戈击奸佞直声震宇喧诸郎排 鴈一一落云天独余漫郎叟高名星斗聯辟书日夜催援毫録羣仙几负丧明责挂冠遂言旋中河忽坠月半岳遽摧巔孤嫠俱幽愤一仆无复痊传家惟蔡琰择壻得鲍宣驱车官殊方衡宇頽荒阡壞壁蜗篆满小窻蛛网悬翠藹遠山暝苍苔修竹连往时所憩树相与聽鸣蝉忽逢持斧翁葆鬢青行纏采薪収斜日伐竹破疎烟沉痛迫中肠裴回不能前高明鬼得瞰岂弟神所捐防吟复凄断暮角西风传予与谢幼槃董瞿老诸人往在临川甚昵幼槃已在鬼録后五年复与瞿老防宿于星渚是夕大风雨因诵苏州谁知风雨夜复此对床眠之句归赋十章以寄

賸客苦填委神交多乖离静言数存没惊风邈难追水清石自见山高鸟鸣悲一杯且相属何庸记吾谁久矣羌山遊幽讨无复遗如观侏儒节触类或可推山灵厚相戲傲以所不知故放出岫云变更无定姿忆昨谢幼舆宜着丘壑中论交麴蘖底愁絶连樽空自我失此土清梦随归鸿封胡与羯末安知无余风高台拟峴首孤峰陵天姥与子各壮年车鲜马亦怒歲月忽欺人于迈不可补詎知唤仍回藜床同夜雨谁其妙丹青将军独曹霸能开生面姿拂绢貌照夜伟哉千载后万金不当价吾欲评斯文善学如善画却老烦青精度歲掘黄独长乘下泽车何烦挟丹毂求我盛年非常恐不可复永结交旧欢阿谏甘碌碌吾怜阮嗣宗口不挂臧否是眼何亲疎青白生誉毀照隣殆庶者颖脱当悟此本心如虚空何尝受尘滓曩时太傅公日下欲无对富贵恐不免大节在显晦一朝出东山勲业到鼎鼐眷言固穷士难进思易退脂车离郊园潜筠人许长归来十亩陰縹节已儲霜畦畛日将荒况复病在床亭亭望五老烟云晚苍茫渚蒲方蒨绚汀草亦芊緜扶藜数过鸟荡桨防归船董子有来约要在秋风前已办河朔饮更

哦陶令篇喜遇洪仲本于山南以蝉噪林逾静鸟鸣山更幽为韵作十诗寄之兼呈驹父

万壑无定姿胜处加风烟爱山亦尤物常忧他人先凌厉矫云翮酬酢含风蝉终日松路永冲襟颇萧然故人隔秋水夢往宁可到山南防心处不负干鹊噪胸中如陰雨百谷仰一膏嘉德向来深此事神所劳明月出东壁歷井复扪参如我饮欢伯了无经世心土膏富畦垆浊醪有常斟鸟语复见广浩荡栖云林遊日霄壤间稟生不可逾企跃有定在嗜好真殊途超诣方独往安然钟鼎娱嗟彼强聒士营营竟何如老圃志沉郁从哉宦惊冷道广虽难周恬愉境元静著书雪明窗垂老真隼永诸郎汗血姿一一皆絕影窗上飞野马酒中鸣山鸟俯仰几何时秋林风嫋嫋高懷凡情尽虚齐尘事少卧读若耶诗意寄在云表綠髮嗜翰墨颇徂成章程耽思且傍讯仅有能诗声老语如冻芋时时强抽萌公等极英妙每闻鸾鳳鸣禹金贡九牧铸鼎知神奸博学如地负能发键与闕奇货只希价妙语期藏山要当继三代何劳追二班豺祭秋事归蓐收遂为政爽气挟曙来风露颇辉映祛我中夜懒起予维摩病回首问炎蒸暴虐子难更倚杖览清旷江臯事事幽战胜名义府防勲逾彻侯世故每情得尘緣成语偷长吟抚孤松濯足清江流

蔡州顏鲁公祠

孤云亦羣遊劲柏受遠托烈士懷贞心肯劳常情度堂堂顏太师立朝独庄谔太宗柱石衰中夜悬六博朝廷冠劍人孤君资元恶公当蔡州锋活国立然诺头颅危一叶舌本未渠弱耻为蕝属国华颠图麟阁想当凶焰时直气森噴薄庙貌存典刑社鼓追冥漠我生当昭代何憾涕横落浩歌招遊魂白眼瞪寥廓

聽了公孙弹琴

商飈吹菰蒲船官双停桨中有陈太丘堂堂道弥广容我拜牀下凜然增妙想碧洞名家儿侍立资开爽取琴为我弹襟懷自恢朗兰芽弄徽弦岩谷发佳响乃翁琮璧姿风气日豪上一言犯台鼎放逐金波涨郎君翠眉低沉忧杂悲壮沧海连三山攫躡共消长生雖有如此十年违色养推手且罢休夕嵐横莽苍

倦夜

倦夜苦夜短追凉卧前楹清飈飒然至淅稊开天经月在房心间木末相将明频年困秬稌何足糝藜羹一饱吾可必呼儿斟醪醕酣歌防达曙露下湿流萤

雨坐遣心

孟夏始三气暑还自何乡稍稍切肌骨病着径卧床云从瓠峯来将雨送防凉容与过朝市殷勤洒林塘幽窗多僧气颇带山茶香缥思随归云冉冉列禪房此物方料理陰崖容伏藏火老恐愈浊熏煮犹未央防当牋山灵时来呵不祥

读左氏

麟经书王法圣笔行天诛丘明发其蕴磊磊照九隅奈何蠶栗犊命曰相斫书世不足董狐杀青议其覆无烦家置喙粲若夜占斗舌本未暇浇但自饮醇酎

送嗣行叟住云岩

昔在冯光禄精兵伐莎车大宛献象龙权奇天马驹朝趋不动尘歷块暮过都银鞍香罗帕唏骥行坦途一朝伏辕下局趣时长吁霜蹄绕羊肠飜思在垞娱复闻郭橐驼种蓺絶代无擢秀土膏动安恬肆纡余济流失妙理静躁由来殊木性不受触剥肤验荣枯柳侯为作传临民真楷模嗣公武夷秀淡然云水徒风期压支遁渊源从老卢膏肓在岩壑浩浩不可污屡辞公侯聘烟霞閤团蒲忽着垢墨衣俯身蛙黾区我本佛国净示见秽土居譬之喷玉姿骧首径崎岖虽懷万里气詎可轻艰虞亦如蒔卉木涵养须敷腴根节藏蠹蝎安忍不剔除名驹即商鉴种术毋令疎邾蝨或蝨蚤三言成于菟愿公置坐右爱之良不诬夜窻为长吟霜飈响高梧

次九弟阻雪不得遊云居

忆女垂九龄防幽非旧常两鬓忽如棘歌声类防庄山色故无恙老者须眉苍载之着车后谁言山路长每逢胜絶处赋诗要难忘大雪 空旷清境詎可望烛龙何时来衔曜发晖光长懷亦云极烟渚闻鸕鷀

雨后望云居

爱山勇成癖岩壑罗心胸政使詣幽絶何如天际逢春雨云断续蔽亏欧岌峯如我金石交渺然旷音容眼边出突兀烟霞更葱茏方营五字赏鸟下醉吟中

闻蕪大养直同李子充游云居作此诗招之

人心各如面石交定难逢吾观蕪夫子真有古人风自开蒋生径日望求羊踪乃攜李长吉上我欧岌峯羌山落君手稍欲吞附庸练练峯上云萧萧岩际松想当岸纶巾嘯傲惊归鸿我有浣花竹隔林闻曙钟幽禽发佳响亦足披心胸何当小休辔一尊聊此同

再次阿敌韵寄舒大士兼简防首座

风窻生晚聽雨砌耀宵行斜柯橫吹度綠堦细草生片月悬屋角婵娟有余情世味了无取虚懷浩难盈欲念山阿人临崖九秋树袖手谢鼎来属袂推不去兀尔自忘緣湛然随所遇称讥汹涛波渤澥恬喜怒我亦乐清旷颇甘去人羣回观防华轩澹如秋空云二桃杀三士累累荡陰坟吾庐蔽床席有托众鸟欣室迓防面稀轂发分首别緬思耐久交不为翕翕热只夜在贝多有懷时间閱嘖伸三昧起燕坐真适悅吴产防开土膏肓岩穴深向来避小草于今有遠心

悬知轩轅律定非桑濮音寒藤且高閣川涂多毒淫

端午

郑袖椒房宠音容胜莫愁多情上官郎朝夕侍冕旒从来秋水好见谓绕指柔何堪女嬃骂竟与冯夷防至今荆楚儿奋舟竞长流重华改前度归翮起南州莫作古时恨静听羣譟讴

北窗睡起有懷吴世南

曩时谢仁祖萧散北牖下捍拨响鸕弦天际颇闲暇渊明曲肱卧余事眼不挂便欲俯羲皇凉飈助矜詫纵观两郎传明如丹青画独于避俗翁英姿犹可借此翁多新诗天成妙风雅不从人间来句法殆神化伊予绿髮时奋舌谈王霸中歲懒问津锐意学耕稼一往二十年了不畏嘲骂性初嗜清醪病见杯勺怕径作云窗眠端回俗流驾緬懷吴朝歌南州满声价虎脊天廐姿未覆香罗帕顾我乃神交素书每盈把何时逐飞蓋西园乐清夜防吟望天末虚懷聊空寫

病中有懷

江城春事还温风搅清昼花药粲以繁好鸟俱应 客中维摩病何心折杨柳黄鹂劝窥园于我意颇厚緬懷赵明府倾蓋真若旧翩翩佳公子奕奕名世胄笔可扛龙文识足辨蠶白何当与若人长歎向宇宙

有懷张掾师言

户牖烟霞积池塘蒲稗深幽鸟如交友招唤出疎林懷人隔湓浦终朝梁父吟别鹄太古澹徽弦寫瑶琴谁能领斯妙士贵相知心僧弥非谢守其谁能赏音深衷若为寄长歎看遥岑

有懷郑禹功

吏隱專一壑才名横九州袖手烟雨外坐看江汉流斯人美无度孤标可镇浮穷居白日静苍苔门巷周永懷不可见台笠向西畴

夜坐懷师川戲效南朝沈炯体

鼠麕触蛮兵客梦寒窗短牛斗挂防干起视夜参半虎头丹青手欲画澁叵腕兔尖渴陶 得句亦不漫龙沙懷石友羽觴旧无算蛇飞梵王壁络绎壮神观醉踏吴沙归转盼歲月换羊肠自诘曲驰道方晏晏旋攜古菱花悟罢如水泮鸡园谈妙口当我一笑粲狗监浪延誉凌云非吾愿猪蹄祝污邪举世良可叹

雪晚望懷子充宗弟

归云度山椒木末留夕照聯翩衔尾鸦不复明楚调安知牛尻没使出丰年笑南阮有伟人领
畧造意表端忧突不烟岑寂有余妙简逵到安丰迈往同逸少颇教弟子员鈇槩发清奥谁可
相推轂仅自免镌譙阅月不传音柴门迹如扫藜床还睡债瘦杯敦夙好为君短长吟扶筇送
飞鸟

懷子充复次间字韵

弥年旷不接耿耿心未阑綠何税君鞅饱防江西山追凉故园树待月房心间君归有后约怅
望何时还元亮诗次玉局翁过二李故居韵赏仆作草堂于故园同赋一章

兄家咸阳公余泽被岩麓怪底多珪璋蓝田自生玉我独出衰绪嗜酒仍爱竹昼眠殷晴雷防
云腰不束作堂延野色风吹草心綠情间飞鸟亲相呼暝投宿往往辽东鹤来栖手栽木心期
得幽子浩歌去边幅抱瓮同灌畦牵萝来补屋修文不无人付渠调玉烛

董真人炼丹井

董子侯官秀养真匡山陰琼田甄金穀绛雪飞瑶林种杏令虎守偿稻见本心淮南鸡犬仙防
鼎升瑶岑寒泉冽旧井遗风犹至今我来澡须眉凭虚欲骎骎税驾不忍去遂歌梁父吟

日涉园集卷五

宋 李彭 撰

七言古诗

听侍其云叟琴

君家建邺城东头卷帘卧对长淮流除书谤书不到耳空洞腹中无片愁白浪从高瓦棺阁清夜无人响猿鹤琴声时复一挑之北斗横天月将落御风过我故山岑一写太古之清音当春风动为凄波底时闻龙一吟坐观人琴成二妙觉来形秽顔枯槁伯牙袖手意有余请公临流一舒啸

听程道士琴

鹄弦鐵拨世多有玉笋银甲嗟凡陋平生緑绮醒心泉浄洗耳根端不朽鍊师霜髭已满颐履霜坐弹霜叶飞腐儒冻餒非所惜物物愿荷皇天慈

演上人以权诗示余归其卷演师系以长句

花县潘郎未白头下从玉局仙翁遊平生四海饶次守脱冠壞衲藏深幽死生俱在天一角句法不复陰梁州眼明得此道人演更遣权诗遮世眼唤起蘄春十年梦恍如神明还旧观黑柏苍鹰饱欲飞天马衔刍方来汉演翁自是尘外客笔端秀句应无敌禅余轧轧弄鸣机紫鳳天吳乱红碧防当载月漾舟来尽出公家金粟尺

观吕居仁诗

西风麤暑功夫深老火由来欺稚金蛮花缺月午梦短伐翳正尔开遥岑忽看僧珍五字句妙想寔与神明聚清如明月东涧泉壮如豹南山雾抑扬顿挫百态随鸢鸟欲举风迫之莫言持此黄初诗直恐竟亦不能奇老懷凜凜受霜气想见此郎冰雪姿鄙夫好诗如好色嫣然一笑可倾国击节歌之侑欢伯杯中安得着此客此客不肯继尘羈况复世网如蛛丝秋空横河雕鹗上不许蜂蝶同所归汉家太尉死宗社大鸟泣坟天所借谢傳未吐活国谋賫恨懷奇赴泉下僧珍向来期此人顔波砥柱妙入神要当叠些湘水滨唤起犹足张吾军

晓发琳山晚防于湖光亭

琳山寺前雨翻盆辟邪渡头争渡喧湖光主人敬爱客解装咄嗟开酒樽江城花尽柳亦老薄暮欢娱怜草草殷勤为唤两红顔始知人好鸟还好斑斑鬓间少黑丝客中不复忧心阻酒中圣少年时江湖放浪真忘归老来颇丧丈夫勇心随暝鸟投林飞

谢人见过

门无襜褕轩车过草庐寂寂南阳卧夫君掀髯来扣关不减昔日陈惊座肉食者鄙无远谋喜君义气横霜秋已看献策尊王室白笔应须上黑头

遭风祷神林浦

伐鼓放船落星渚争曙鳬鸿集俦侣干旋坤转风掀掀阳侯就戮波臣怒庐山孤巘政排空复阁重楼欲无路水虫琐细何足云窃发凭陵敢予侮长年吞声三老悲老妻惊呼稚子啼病躯不能自料理袖手悬知蠶粉期谢公吟啸吾岂敢兴公悲号差胜之寒菹百瓮未渠尽犹得余生见昏覲归帆行将拂五老要及霜风快雁隼径须作牋寄魴鱖行路艰难公莫遽

南至日离同安舟中寄阿弓

去年阑冬亦戒涂北风吹雪邾城隅八字山头驾高浪曙角更听吹单于今年南至又行役萧寺佛香僧饮俱身在潇湘黄蔑舫眼看惠崇归雁圖 懷吾家之季子细酌明窗愁欲无诗肠定遭酒媒孽语作晓霜催槁梧漫将长句代作草河冻难求双鲤鱼归期不落蜡宾后行李困来频寄书

夜宿寶岩寄冠李二鍊师兼懷王环中

北风驱云度危峤日下苍茫烟靄横山灵唤客起杖屨定自不凡为此行山南冥搜未得妙山陰问津向猿鸟遥岑叠叠罗峻屏溪流溅溅鸣楚调眼明全椒道士家丹砂入颊暎朝霞谈间勃窣妙理窟挽不听去犹欲遮縹思右辖千丈松眉宇中藏嵇阮风放船云梦鬼作崇魄磊仆卧洪涛中此翁身大不及胆引帆复逐天边鸿渊宗堂中柱史裔黄鹄作雏欺鹤唳衣裾不着京洛尘潜心涪翁哦五字相逢俄顷复解防韵胜遣人增想似僧牕梦短夜复长句挟寒霜聊可寄

寄崇书记

穷山歲晚满烟雨欣逢支公防心侶斷诗已度曹刘前谈 复恃穀函固寒防夜寂斗正横衰懷径协沧洲趣新章顿挫兵出奇遥随归雁下烟渚曾中书传要扶疎笔端联翩将脱兔渊渊挝就渔阳掺遽作回帆听鸣鼓明牕试翫老髯语黄鹄看君响长阜山陰傲更有僧珍水镜湛然当见许

寄甘露灭

道人欲居甘露灭年来寄食温柔乡开单展鉢底事远举案齐眉风味长我衰日涉甘岑寂颇遭霜刺颐长出愿随鱼鼓供伊蒲一堕尘网谁能力要知在欲是行禅久聚荷花顏色鲜秋涛

风怒何掀掀莫倒危樯沈法船

寄何生

烂羊都尉本不恶鬪鸡开府无处着天禄诸君尽贵防据鞍上马能不落何郎未免儒生酸于此政复不作难但公剩着潜夫论何须头上鵩防冠

懷秦处度复用山谷韵

秦髯昨首长沙路舍舟来甘余霜兔翻忆淮山鸡黍秋二十年来穿防屨衣如悬鹑气栩栩足垢头脂藏妙处欲买桑柘间里欢却乘舴艋江湖去似寻剑客脱尘埃北走南遊未安堵去年篱菊今又黄安得同尝噉香雾

游云居歌

岷峨秀气凌太白诸峰弹压流辈百右军昔为懷祖因此心勇往曾未识羊家叔子端可人岷山何为苦伤神多情赖有邹从事与山不磨有遗味平生寻幽防屨穿始知欧峰峰外天扞参歷井出鸟道耳边河汉声潺湲千古追懷同一律神明还观悲节物两郎凜凜安能来定于何处埋尔骨往时一觉大道场心净无尘闻妙香幽禅寂寂师粲可高韵卓卓凌羲黄九原芜没那能作胜日良防自不恶灵云野桃初着花鼻祖柏子僧前落玉函贝叶渡流沙法筵复雨曼殊花充虚解战天皇饼破魔惊睡赵州茶世网婴人太烦促桑下安眠戒三宿柴扉草阁空归来大梁推枕黄粱熟

玉花驄

杜陵絶唱驄马行想见蹑云喷玉声龙眠貌出姿态横香罗覆背红汗透如行沙苑秋风瘦我羹芋魁乃饭豆不爱金羈如此驄深云一坞住山翁朝霞入颊常噉红胡少汲名直孺龙舒佳士清修可喜往歲见之金陵闻除侍御史因作此诗以见意

闻君往年客淮西及见我公无恙时潜山皖水德星聚天下中庸人表仪川行节往万事尽我独流寓东南涯协洽之歲秋九月买船适诣秦淮湄建康城头鸡欲曙白下门前乌未飞有客剥啄复剥啄戛然野鹤下孤屿意定吾子初无疑高谈确切不跛踦养此郁郁涧底姿发防振落笑余子招之不来不可麾判司卑官果难屈脱身遂与極楚辞行行且止避驄马胆落于地非公谁御炉烟动天顏喜柱下云开春日迟侧席爱民如爱子愿达民病苏疮痍要使英风触白兽更遣直气生青规鄙夫养疾江汉间有如不信吾谁欺

范家所藏孙知微画彭祖女礼北斗图

晴空无尘月在房松间博山沈水香翠眉女子约畧妆两足亭亭如雪霜步虚之声风度长紫

微北斗忽低昂金钗何劳十二行不羨卢家丹桂梁凌云已复飞罗裳生绢寫照公家藏应怜彩鸾翳鳳凰未能割爱俱翱翔

戲答櫻笋

髯翁落落綠坡竹肥如瓠壶书满腹好客勤炊烛代薪中厨羹金仍脍玉春风渺渺生微澜欲向吳江把釣竿引帆伐鼓閱三歲 雁不来衣帶寬阿蛮虎子能哮吼千金扫除似无帚却甘杞菊侵我畦固穷不障谈天口剩夸櫻笋饒生津章就旁搜不厌頻錦绷娇儿直欲避紫駝危峰何足陈出为小草居遠志藜藿盘中长此味客来不废董娇饶安用凋胡见真意年来我亦食无鱼莫遣此老專懷瑜时时酒浇茶苯防乱我 藁俱扶疎

送所借书还王生

邨侯家藏三万轴牙籤新若手未触此翁眼如九秋鷹一过成诵不再读愧非 晏独崢嶸复愧王郎著论衡案头萤干太苦相久假不归何痴生开州公子好奇古胷中寶笈森四库安用邨 插架书向来借我纸上语頻年多病百不如準拟传书学截蒲还君一鷗细故尔莫厌时时开锁鱼

题阎立本醉客圖

酒有何好工作病颇怪斯人喜中圣藏身麴蘖胜岩幽寄愁天上呼不醒春风吹开玉东西月落参横斟酌之吐茵脱防有妙理 朱成碧浑忘归右相丹青果驰誉幻药调成疑笑语便觉微销古意生似闻醉眠卿可去半生忧患复萧条瓮中肥遁何须邀一樽桑落对公等尽解平时藜苳嘲

包虎行

画师老包气如虹解衣醉倒尘泥中急呼生绡卧展转笔追造化分奇功须臾奋袂于菟出絕壑陰崖嘯风月悬着高堂烟雾深观者胆寒俱辟易谁为彪子与戲孙宛陵后叶诸仍昆顾视雄姿亦適 小犊蜚栗何劳吞通 论成防贝叶大空xiao穴随老衲何暇与汝同条生 豹丰狐要弹压

望吕道士庵居不果往

鍊师精悍极了了穹谷营巢若飞鸟流泉涤尽化溜尘明牕防存填血脑停策微闻叔夜琴叩關阻食安期枣我方寻源上河汉目送落日诸峰小杪秋蜡屐要重来与子相过拾瑶草

食鰻鱼戲呈夏侯

君不见吳良齋郡吏斂板居高随掾史诸郎元日壽府君觴酒諛言败人意口角击节五马贤
鰕鱼百輩为君赐又不見江左之褚渊此鱼一尾售数千丈夫须髮果如防但知堪炙宁论钱
平生刚直卧江汉非吳非褚何由羨疗饥渐台亦可悲味比疮痍良可贱谓言此物不拟尝饷
我因君累十觴汉陰槎头推不御徐州秃尾甘走藏藜苳觴中初未识已觉盘飧惨无色凭君
遣使更函封莫令子羽吟头责

重遊草堂

德人昔遊居寢处一草一木可敬之涪翁初释僊道防枉道过我临水湄梵宫三托吉祥卧悠
悠东泛长淮涯牵丝姑孰席未暖鬼瞰高明俄解 鸚鵡洲前弄晴泚祠宫寄食长江西黄绢
碑中发奇祸播迁瘴海如湘累天生斯人意有在世或不用将何疑巫阳下招化黄鹄不遣啄
腐随家鸡前年歲晏到萧寺开眼适见邹松滋涪翁故时得此客今已改色嗟流离大招泪湿
綠坡竹神观凜凜疑来归今年森木挂秋暑鸚鵡钩辮向我啼重来野僧零落尽壞帐鼠嚙非
当时过眉拄杖为小立将暝西山含夕霏

黄冈尉钱绅种莲其上开轩榜曰起灵盖取鲍防军荷花赋超四照之灵本云

平吳利在获二陆我得斯人一防足明光射防卷波澜灞桥新诗挾冰玉只因心赏鲍参军种
花欲招千载魂笔端有口不倚辨【一作待辯】尽付此花生气存一代风流防顿尽汉官威
仪聊复正觅句何劳梦惠莲解颐未用呼匡鼎秋风萃末助飈飈花药应须让一头何必嘉陵
种嘉橘始拟人间千户侯

东庵舒老出徐兔图障求诗章末兼戲行叟

宛陵包虎天下无徐生之兔画作殊眼明忽见此粲者在笥不独藏于菟平冈雄兔脚扑朔草
树深烟纷漠漠悬知丹青相拂斫不怕苍鷹头戴角坡陀雌兔眼迷离拊怜大儿携小儿衔栗
分甘且疗饥学母由来无不为东庵道人念俱寂遣予不复嘲热客生绡新圖聊一出便觉野
风来四壁 懷中有衣褐徒不牙不角真趺居莫令举网拔豪族汤沐管城还自娛黑头归来
能自了岩壑犹堪伴猿鸟

题伯时所画邵平种 图

邵平汤沐故千户解组投林如脱 勒铭鼎鼐属伊人我方荷鋤斷烟雨 田钩带盖阡陌大
者轮囷细旁午穀函设险吾何补日日青门自成趣槿篱半破复牵萝夕霏晚晚留疎树娟然
翠气出眉妩喜得斯人慰迟暮剧谈欲写块磊胸尚恐轩昂作庄语画师纷纷安足数对此令
人重豪素阳陵公子傲雪林洒落由来足风露自言购取倾家貲柴桑要伴归来赋两郎后先
千载余粉墨相追叶风度悬之素壁足丘壑噉噉猿啼起寒雾

题卢鸿草堂图

丈室幽云织翠微卢生草堂云作扉陰崖絕壑鸟迹稀扶藜纵观拂云霓心知丹轂赤吾族要
须爱身如爱玉三十六峰幽意足何必鉴湖分一曲老仙曾上登封坛一夜蛩生双足间不知
此圖笔笔妙岩岫映带冰霜顏集贤学士从省归僧床卧观昼掩扉绣鞍那补尘化緇不如卢
郎驾鸿飞老色苍顏今采薇故山风烟常滿衣眼明见此社中客尽谢东阡与西陌

题包虎枕屏

两虎肉醉欲醒时饥肠得饱恣遊嬉一虎当岩自哮吼朝欲食子暮食妃最后一虎絕长者坐
歎眼有百步威豺狼当道正须汝莫寻 径问狐狸

列遵道以古铜爵见归

何年铜爵姿状古如对高人开美度重云结叠虺虺雷绕腹循环危欲雨廉问御风之子孙世
南秘书藏肺腑纵鉞欲炙真垂涎举以壽卿吾所许非无玉舟金叵罗简素睨之如粪土奈何
赵璧复来归知我懷兹防心侶拂尘识面如故人口不能言实庄语细酌明牕旧索郎伴我微
吟度寒暑

吳熙老家风云图

秦人屈鼎真画师胸蟠风云人得知独无佳句自润色未忍援毫时吐之洒浇块磊遂倒橐素
练忽复翻淋漓宛如盛怒生囊口飈至霆击何由追墨云霏防摧半岳飞动殆莫穷端倪征人
解装马伏枥居人墜户鸡亦栖虚堂高挂髮为立三伏凜凜无炎曦吳侯怜我惨不乐卷去随
手俱清夷乃知非独画工妙妄念起防分毫厘想当在笥常汹汹不与關河相蔽亏防当一雨
被八表何用祕藏深密为

题伯时画莲社图

遠公得名喧宇宙如意举堕渠不知何为歎聚野狐羣依经解义真成痴柴桑老翁挽不留籃
輿醉冲烟霽归由来却具一只眼社中不着谢客儿白业许时露消息鼻观参取初自谁饮光
微笑总为此至今留与后人疑题吳成伯家文与可所画晚霽横春圖

湖州手参造化鑪墨君老稚俱扶疎含毫回作晚霽戲憑軒丹青浑欲无雨声忽破鸟行急木
末尚挂穷猿呼衰翁将雏来荡桨挽引斜晖到渔网岚昏那计目力长厓倾欲陟天梯往湖州
虽仆妙相存此画他年人更珍但恐君家风雨夜山川断取不无神

日涉园集卷六

宋 李彭 撰

七言古诗

晨起

晨起按行 芋区园豎畦丁争殿最蹲鸱垆底未轮囷蒲鸽藤间悬钩带锦里先生态度同青
门故侯风味在肥家敢望李衡奴击彊安用任棠薤累人仅解口腹嘲贯酒可免寻常债含毫
初不为矜奇遣兴聊须风雨快

韩熙载宴客圖

紫微华屋桂为梁中有侍儿宫樣妆闭门投辖醉短舞牛马因风两相忘翠翘挂冠真细事必
能作贼无顾忌堂上烛灭何足云亦期羽林射雕子当年谁遣转鸿钧终典哀荣厚恩礼西风
犹吹建业水直恐奸魂污清泚

次山谷答范信中韵

范君胆勇如季路三穴笑谈空狡兔銳头初无儒生酸果呼下邳换双屨往年风义公独许药
裹追攀险艰处公随瘴叶落瘴乡买舟反骨劳君去少陵未筑耒阳坟尚喜宗文有环堵人生
万事何所无极目澄江锁寒雾

赋张邈所画山水图

异时颇爱宋元君踏门画史如云屯防笔和墨太早计解衣槃薄全天真梦泽张侯饱闲暇直
疑胷中有成画酒酣耳热呼不醒澹墨淋漓疾挥洒谁为右辖赋招魂逺过酸寒郑广文怪底
高堂见丘壑欲攀松萝寻石门咫尺终南与王屋翩翩不下如黄鹄水南水北索价高放浪犹
歌紫芝曲张侯爱画入骨髓脑脂遮眼良有以笔端刻意写遗民要似留侯赤松子如闻可汲
用王明防须添作贡公喜

赋米芾所画金山圖

忆昔扁舟帆正落杨子江头风浪恶江心楼台浑欲沈不独能高瓦棺阁晚山接天波面平白
鸥去遶钟磬鸣云昏上头不可到往来余懷今未宁楚狂澹墨扫绢素澄神卧遊知处所欲披
雾牖寻野僧反向烟汀辨江树新诗葱蒨工于画川岑想像高堂挂骅骝絕尘走千里何劳遠
处幽并夜渐到浔阳不复前安得仙山来眼邊断非毗耶掌中取直疑壶公谪处天新诗妙画
真有益张衡南都能毕力不如此诗气 峯却使丹青句中识

小憩琵琶亭呈环中养正

香山居士骨已冷文采风流今未遥
捍拨何劳作胡语寒江璧月想前朝
涛波竟夕相喧豗呉檣楚柁争倾欹
老夫何暇知许事但饮松醪烹蛤蜊

客有以戲鱼竹枕见饷作此谢之

蕲州笛竹含风漪缥瓷斲月聊相依
白头苦风痴女问歳晚乃知非所宜
公从何处得此枕劲节储霜余凜凜
防戲真同赴壑鱼小牕夕阳助酣寝
饵甘钓深安可圖长网横江嗟已疎
我宁低昂弄清泚絶胜缕切太官厨
莫作枯鱼过河泣寄声魴鱖慎出入
长伴幽人蓑笠眠梦破寒沙风雨急

同子苍放船南山石壁下

南山修源何所似顾痴铺张侧厘纸
酒酣漱墨风雨来咫尺烟昏【一作云】
生万里韩侯静者妙英姿乃呼扁舟共
遨戲我曹竟堕善幻中叩舷歌呼但霑
醉寺下回潭凝不流中有卧石如潜虬
孤峰已衔半规日连山倒垂波底浮
韩侯风雅才甚优胷中何止吞万牛未
向承明草莲烛小留南国驯沙鸥防须
唤仗入天陞尚忆谿邊横小舟但愿故
人俱厚禄平子不妨吟四愁

何生复用涂字韵喜予从东坡防作三篇见寄次韵答之后篇柬刘壮舆

峽南将成金匱书喜又赐环香拂涂万
钉围腰乃为崇惯作臞仙多槁枯元符
相国泣前鱼长流百粤复羌胡周汉二
宣果明哲金玉王度复關渠

东坡十年作谤书多情杖屨作归涂
雪堂公去颇削迹来禽青李皆已枯秋
风醉索武昌鱼脚敲两舷声函胡只今
诸生典刑在他日明公防石渠

冰玉堂前十国书君能读之行坦涂一
洗谈天千古舌吕梁大壑何时枯愿君
不用校鲁鱼亦须调笑酒家胡玉局仙
翁无浪语大禹以来未有渠

喜二何从山谷遊复用涂字韵诗

水部诸郎蚕尾书涪翁杖屨傲当涂
斑斑束笋门下士梔貌蜡言嚙笑枯翰
墨澜翻纵壑鱼风采洒落鳳栖梧寄语
南州双白璧从今价重百车渠

张僧繇画胡僧看经

苍崖倚天暝色起风微榭叶藏猗子
老僧庞眉雪覆观梵音清遼发皓齿向
来万法出此经行

行春蚓纤黄纸覩面相呈事俨然归云欲渡前溪水

题夏氏万赏亭

公家文庄佐县官万国朝宗天不言桂梁兰室治私第鵷鹄建章争絶伦昭华秣李态度新緑尊翠杓罗缤纷人归夜台金狄泣一种风流今尚存小君家声自陰后五侯四贵印如斗渠渠夏屋防百椽谁能近前畏左右去天尺五付此郎诗豪酒圣复専场锦鞢花驄折杨柳霸陵恶少艾如张危亭复阁来南州佳客争门陪俊防朱幡皂盖驻五马巨罗醉掷高阳侯青蛾皓齿动星眸尊前舞罢锦纒头参横月落了不问四并在手吾何忧腐儒萧然愧环堵藜苳胸中屢屢句頽然被酒烛如虹戲效呉歌歌白纈

戲答赋蚊

江湖白鸟传自古蛰蛰孙曾亦如许聚雷岂解殷晴空媒孽耳根良自苦野人睡美不闻钟草木苯防森蟠胷咬肤攻喙漫不省跃跃自喜安足雄若人才高乐讥评滑稽能发古人兴勾引西风麤细虫小丑何劳霍去病

遊东园戲作长句

久客殊方无永味排遣春愁逐遨戲晓济呉榜访东园欣欣草木多佳气缥瓷竹叶沃春心黑面酪奴驱昼睡亲党诸郎意气豪挽强对奕真能事鄙夫鲁钝独长吟一声望帝动归思

贈呉云叟

宛城居士如冰雪大药亲逢悟禅悦丹霞正印君得提洞下灵源渠未絶净名杜口涉言詮口如布谷意莫传心猿睡起六牕净为君作戲弹无

贈张圣达

人言汝颖多奇士秀润如君饱风味两鞬驰射不作难三峡倒流聊复尔平生未识嵩少云三十六峰岩壑春因君便觉来眼界翻作新诗持饷君

张子和子文以长句送朋壶次韵答之

下自成蹊艺桃李此语聊持饷吾子南风吹句落牕几萧然出尘天下士诗坛挑战生一秦穷瞎水部好仍昆气无万里照夜白伏枥麒麟收惊魂荆州但获一人半二隼风流眼中见机云空夸千里莼如公笔端那复倦我诵懷沙自疗饥时时间出危苦词鸣蛙两部颇娛听钜竹千竿端相持督邮虽贱不勤置俨然真辨絶交事知君风味似建康连璧顿来随俗吏漫浇平时过秦胸经醉咄咄成书空儿曹为具明璽纸欲赋雌蜺吞晴虹悬知在德不在酒耳热清狂须

酒后客来举觞不得言舌本因之忘可否击柝相闻非路长涛波隔津成两乡待我营巢浣花了过君更仆对绳床

用拟古韵荅瑛上人

剧饮径须尊有瘦搜搅新诗转遒 谁知云牕除僮男燕坐微吟兼粲忍吾衰霾雾满胸中玩味甘腴真隼永含毫覓句剩欲酬时有寒泉汲旧井

先成都访故园得顔家断垆碑

我生性僻喜客卿有练先书无复羸墨池笔冢聊尔耳春蛇秋蚓劳讥评正书不数黄庭经况复焦岩瘞鹤铭永和题尾束高阁酱瓿往往多兰亭怒防渴骥日遯屏严家饿 当吞声千金敝帚不自见憎鸡爱鹜何痴生我家成都万人杰向来古心冶金铁顔公断石出粪壤一落眼界清思发政如令严亚夫军中天夜寂悬明月速须乞灵向若人运斤成风万钧力笔端写我刚直胸复与顔公振遗烈

宴清心阁

马尾垂杨已堕绵春风暴谗恼中年驱车作意访花县地主风流仍更贤倦遊不比长卿慢自迎杰阁开清宴高谈雄辨俯飞鸟急管哀弦彻河汉君侯笔端妙入神百斛炳焕扛龙文承明合受鸞花绕何事斂板趋埃尘清朝好士如好色况兹卓絶流辈百追锋看即朝日边莫道垂纶在幽旻

阻风雨封家市

往时李成写骤雨万里古色毫端聚行人深藏鸟不度便觉非复鹅溪素龙眠老腕作阳關北风低草云埋山行人客子两愁絶未信蒲萄能解顔两郎了了解人意似是画我封家市戲作新诗排昼睡忽有野雁鸣天际

贈中上座

粲可仍孙本呉产万遍莲花亦遮眼时时幻作文于菟寂寥恨得斯人晚我如叔夜七不堪倦书羞学蠹书蟬已约东湖徐孺子招公山北复山南

贈宗綬上座

蒲萄不饮熊耳杯薰炉甘作橐驼坐胸中皎镜湛灵源结习已空花自堕眼明见此除僮男妙语时时零玉唾稻畦摩衲丈夫事吾独知之胡不果钩章棘句竟何裨徒遣诗人嘲饭颗

观法华牛鬪戲呈戒上座

鸡栖于埭晚山碧两牛偃蹇万钧力黄钟满脰鸣相欢歛起縁何作勅敌水牯败绩秋风前穿林覈觫蹊人田防无将军破燕虜适堪衛尉驾车辕碧眼山僧可人意大牛小牛与穿鼻更须宴坐三十年直待无鞭更无箠

雪夜书懷

夜烹伏雌歌偈侧泰山其颓吾道阨天边奎壁賈苏公诸君往往濒蛮貊帝遣仙儒玉局翁涕下悲吟夜萧索冰姿玉立似平生化作人间截肪白黄屋久悟金滕书豫行温诏归迂客峽南华髮老先生解羈来卜愚溪宅枉遭越犬吠苍皇莫吟冰柱要呵责重瞳虽复达四聪尚恐乘轩多令色短檠花重寒不眠南望犹嗟万山隔

蝴蝶诗【并序】

杨昊明之世家苏州少孤力学娶同郡江氏妇翁官江州征市明之尽室与俱来予于江君既亲且旧以故过江君始与明之相识后一年明之挟册遊上国抵许州客食亲馆一夕暴卒卒之明日有蝴蝶大如掌许裴回翔舞于江氏旁竟日乃去始闻讣聚族相与哭蝴蝶复来绕江氏起居饮食不置也夫明之不得其死未能割爱于少妻稚子故化蝶以归耳世之罕闻异事人之英伟不凡死有遗恨精爽不没没能化物出遊人间以自表见亦可为流涕者矣予与明之善故作此诗以悼之云

碧梧翠竹名家儿今作栩栩蝴蝶飞山川阻深网罗密君从何处能来归疑君枕肱作庄梦误随秋风访天涯大儿稍黠儿中虎小儿初学绣帐语青娥皓齿越中女夜挑锦字停机杼可叹不可思可思不可见君来翻作昧平生看朱成碧非君面耿兰作报断人肠况复雀声哦洞房不知真是玉人否大钧刻雕不可量君不闻蜀天子化为杜防似老乌悲啼清血百花尽有恨不吐归黄垆又不见湘累平生女嬃骂空遗离骚万钧价楚些许时招不来亦复穿花绕寒夜愿君莫飞入兔园青春粲粲花叶繁雄蜂雌蝶鬧如雨于君一脚不可安

贈洗首座

上人须髮森如防年少曾为万人敌父兄膏血染敌戈晚作梵王门下客西州白防烂生光来逐鳳栖山寺凉万遍莲花君自足曹溪一滴定须尝

中秋遇雨夜将半素月流天可愛感予賦詩

云将长空断絮晴肤寸而合雨建瓴阿香推车不知倦雅意望舒无复明地行贱臣未辨诉斜汉左界俄无声虽非西园清夜乐起予缥瓷来酌醺举觴婵娟聽我语樽下借汝攻愁城长令屏翳当令节莫遣楚氛蔽明月

谢佛鉴大师寄韞玉鑪

道人力参具正眼古庙香炉心已灰平生厚我习气在索书常逐征鸿来深藏山谷实高蹈下视万象遗尘埃遣奴饷我此长物不比珍簪余嫌猜摩娑温润侔玉德荆山抱璞真良材妙香起处侑茶鼎煤孽万壑生风雷忽言与君隔千里对此了了闻谈谐

谢王成可惠鼎炉

王郎笔若追风骠歷块过都愈奇峭胸中好古类古人铸鼎为鑪亦臻妙禹金九牧知神奸周定郑廓垂不刊据耳向来为上客折足遥怜空汗颜颜率防谈聊贯患纳郢臧孙贻直谏沦亡泗水盖厚诬得自汾陰乱真贗孰如此鼎形瓌奇蟠腹云雷差次之上有苍虬肉倔强隱映么麼微螽斯明牕净几香氤氲藹如黄云覆晏温拜嘉诂意获此寶子孙父已传仍昆

次九弟中秋韵

楚江微波鸣盎酒脱叶萧然坐来久仰头看月落乌纱无复纖云汉津口顾兔之灵态度深搗药长生传至今风前急管闻三弄下苍龙时一吟逸兴俄生缥粉壶携幼近局无劳呼坐中白髮饮輒醉鼻雷发声聊据梧异舍羣鸡皆误唱舍下鸣蛩亦清壮低昂北斗挂柴扉不眠尚倚过眉杖

归舟

旌阳峰头千仞石溪光却照楚天碧归客操舟暝色时怒雷溅雪多滩磧夜榜时惊乌鹊喧星光破碎月映门访戴人归剡谿曲问津客出桃花村香醪独酌吾静寄万事不理端复细俗交从来薄于纸小黠大痴聊一戲正月二十六日冠顺之饮仆以醺渌酒径醉闻横笛音李仲先顺之有苍头能作龙吟三弄偶不果戲成此诗

髯奴不及綠坡竹柱车守间各有局苟不上券吾不欲僅约卒音防恸哭劣于郗公常奴尔性不茹羣少陵喜吐茵西曹第忍之封侯骨相多小史苍头乃复在琳房柯亭横吹节饱霜炊饭作麋緣底事心写泉声风韵长冠谦酌我次翁狂如鱼聽曲首低昂恨不临风作三弄不减当时桓野王

舟中戲作杂言

昨日观画防李成山水真难忘寒林遠近烟暗澹絕壑稠叠云微茫忽看清溪下野艇惊残鸥鸟不成行我尝指此语座客安得仙骨来中央此事数日尔忽落圖上鸣渔榔山重水复滩濊急雅飞不过吳天长嗟予老矣两鬓苍放浪自得宜深藏烦于画防试检校恐我割取附益欧峰旁

次晖书记韵

平生迈往回万牛晚着壞衲乘虚舟僧中那得贾长头对语亹亹连不休作夏深藏白莲里心
如此花映秋水梦随归云欲访之邻垣华鲸喧枕底

次韵陈无已拟古

說桓佐宣项垂癭銳头将军风骨 病夫面带丘壑姿白薤綠葵穷可忍忠风辉映义骨香苦
事何须味方永夜歌商颂出金石猿獻寒柯挂参井

病目宴坐

脑脂遮目乏风味宴坐禅床真得计赤眼归宗近似之面壁少林聊复尔东坡妙语久犹新治
日常存如治民但学曹防相齐法清夷王度不无人

连日大雪

春风吹雪塞寒门饥乌暮啼寒雀喧此中要是难测地材堪令仆无复褌引帆上檣中系輶烧
车与船复延客平生四十二年非顿悟前尘头半白愿随谿支水云乡簑衣负雪时鸣榔不知
许事付欢伯醉着寒滩清梦长

日涉园集卷七

宋 李彭 撰

五言律诗

喜得师质消息

南国柳花合淮壖麦秀初数声传喜鹊一纸故人书君出理烟艇依还荷雨锄天高风浪恶归兴不应踈

漫兴

鴈带秋声满鸥将暝色归打窗红叶乱裁句碧云飞好饮酒储尽少眠茶梦稀眷言方外侣时送北山薇

宿同安寺

山暝客初到雨余云尚屯长廊响僧呗凉月耿松门践境知心远背尘惟佛尊道人暗不语真觉我言烦

游藏山寺

招提虽负郭菌阁暗藏幽春涨桃花水风回沙际鸥含烟朝日丽择路晚云愁淡墨呻吟内非萱可疗忧

久不得潘髯书

八字山头鴈武昌江上鱼略无千里远不寄一行书度鸟愈清旷晴云时卷舒河阳应好在有底苦相踈

书龙壽寺煮泉亭壁

病马系乔木携筇到上方江花迷枉渚野竹乱鸣榔石灶懷桑苎滢尊忆漫郎吾生真寄傲佛地欲深藏客里多岑寂寻春兴独賒擎来妙喜叶尽属法王家不见青鞋士来煎黑面茶幽懷在天末落日更鸣鸦

昙珠昙规二禅者归湖外乞诗二首

淑气纷花药喧风乐鸟乌山僧来访别稚子竟传呼喷玉渥洼种行沙沧海珠湘天多过雁能
寄尺书无独秀峰前见林间忆语离游观如昨梦换谢若晨炊柳絮飞千尺残阳隐半规打包
湖外去探道就钳捶

西塔

秋山何秀整风磴颇峥嵘寺古残僧病门深旧犬迎崖蜂将割蜜涧鸟自呼名毳衲典刑在萧
然物外情

病起过邻寺

惯作招提客应非拖玉身一年强半病十畝未全贫孝秀乡间盛朝颁符瑞频不妨幽仄里高
卧姓庞人

封氏野老留饮防白兔是晚防雪

封老朱颜在髯髥已白须酌醪招倦客唤妇煮肥鲈玉兔君家有银鬕客舍无醉余防舞雪未
觉客情孤登无相絶顶旧有东坡题字今不复见

深云防无相斜日照崔嵬惨澹天梯往苍茫地势开巾裾拂河汉谈话杂风雷惆怅银钩处归
来首重回

次九弟韵兼懷师川二首

抱瘵便秋晚加餐喜歲丰幽懷乌乌乐世故马牛风坏戶寒虫急安巢野老同年来百念冷顿
悟众緣空鸡回落雁渚菊带傲霜华稍过郊墟雨犹鸣官地蛙层空听隼击俯杖防蜂衙妙趣
谁能解懷人天一涯

次文虎韵戏暉书记

孤舟泛湛水心法已圓融诗律期三昧庵居役二空住山湏拙斧阅世任寒蓬慢着寻幽履雪
泥殊未通

次九弟韵后篇戏奉世十一弟二首

少成怜季子拔俗似安丰逸气期公干钩深似国风未湏轻小伎着意要参同聊语诗家病尘
窟研滴空莫学中郎将休懷阴丽华三余游竹素两部有鸣蛙乃肯亲庞老多情过押衙吾衰
那复此美尔乐无涯

戏赠

王谢风流在星星映角巾属文无少尽结社有迂轮颇作餐霞侣愿充观国賔径湏呼伯雅且入醉乡春

赠邹中美

盛汉数邹阳云孙复擅场笋舆逢鹿苑蜡屐绕羊腸囊有壶公药炉多荀令香麻姑在乡国期子共徜徉

赠晖书记晖有伯时所画马甚奇

脱尽膏粱气祇余云壑姿囊中支遁马笔下惠休诗木末鸟还语花邊蝶浪窥平章頼公等吾病不能奇

闻官军已临贼境

闻道官军至戈鋌压贼壕鼎鱼犹未腐穴兔竟何逃銳气连全楚皇恩贷尔曹洗兵无复用欢喜荐春醪

次韵九弟遊云居

禁足同僧夏秋风倚杖前扪萝懷鸟道着屐到壶天霜月悬崖腹参旗落枕邊营诗嗟锦尽老语不湏传

夜坐闻櫓

日斜喧急雨雨夜 虫秋宴坐遊三昧因人吟四愁疎林月色好别渚櫓声幽却忆秦淮上寒更渡小舟

白云居归欲到瑶田作

稍上参云汉中藏祇树园烟横迷遠屿鸟度失孤村一岭分晴雨半山才晏温回头听梵呗真是欲忘言

絕章水

春水静遊浪晚吹怒生涛归兴催舟楫惊魂寄桔槔留髭忽忘故访戴敢辞劳推挽柁师力令人愧尔曹

哭李少防三首

应刘玉山隕之子尚璵璠未握论交臂俄招去干魂茂陵有遗藁健妇解持门何日生刍奠人琴恐或存评阙汝南旦穷嗟校尉途故交非浪哭吾道恐成孤往在谈文处还能步履无秋风聊倚杖草树日踈芜我客齐安歳君官汾上春安知灞鬼录不作定交人炆灶中郎满鬪鸡开府频如何令王济清血染衣巾

次韵东坡五更山吐月

东坡先生喜诵杜少陵四更山吐月残夜水明楼之句其在峽南列置五章仆盖诵之不离口欲效其髣髴而不可得秋高景寂往来匡山披衣视夜气象幽胜乃次其韵作五首然终不近也

一更山吐月修木莹澄澜全胜西园夜金羈带笑看团栾照坐好倚徙冰人寒缥瓷倾竹叶何必办狼残二更山吐月寂寂山家夜衰翁葆鬓湿衡移复露下泠泠泉可漱冉冉云可借相携尘外人共説无生话三更山吐月无睡客还起风防一铎鸣厯厯正谈此此身如传舍幽懷湛秋水兹遊共昔遊定非聊尔尔四更山吐月月是故园明三峡笙簧起紫霄星斗横林猿霜后嘯山鬼夜深行托宿耆闍寺真遊王舍城五更山吐月梦回人更幽风来虎溪寺江动庾公楼鸡唤楚江曙河残淮上秋倚梧成短句仅欲不胜讴【案此诗五章其一四五系律体而二三则古诗但其体以五更聯綴成章势难割裂故并附此】

不宿开先道中口占

穉菊含佳色苔痕上老筇了山已埋玉卢老自鸣钟但饮东溪水休看双劒峰斜阳空翠合犹听隔溪春

雪

瑞木辞天汉因风响触楹光催晓鸡误素失白鹇惊冰柱随门见瑶林逐径成南州多疠鬼借汝胜麀兵

王子张数以诗见过

午梦蛮花湿晚凉衣带秋愁来倚柱嘯诗到击盘讴律熟无谁敌词慳不拟酬蕪州语犹在五字为君休

同云叟遊欧峯

遠墅春辞木空山晚着花幽懷生防屐稍上问星槎屡共普熏饭仍烹圆梦茶期君未衰白烂

漫饱烟霞

书懷

未作终焉计懷哉兴不踈逢人问息耗阅歲叹乘除老境来顏面归家识此渠攀緣俱断絕何暇羨严徐

游石镜溪

石镜溪邊树金轮峯上云贪看鱼弄影不觉鸟迷曛山态迤迤好泉声细细分银钩懷柱史谁复振斯文

懷秦处度

淮海紫髯叟长吟独倚风稍将芸辟蠹应罢手书空拄策旧寒涧含毫余老松观云每怅望苦念小安丰

留题壁间

遠意在丘壑籃輿同此寻干云絕壁秀落涧幽泉音卷袂尽开土听法多珍禽烟横半峯暝信是忘归心

过蕲州故居

系马金沙树衡茅俨暝途沾襟问隣老携手忆于菟意逐前云遠情随归路迂霜风吹晓角梦听小单于

寄文若

仲氏客淮上蓬窻忆聚星云从望中密雨逐去邊零赤壁念存没怡亭几醉醒归欬勤着脚莫负读书萤

用韦蕲州神静师院韵寄微公

云卧衣裳冷岩幽钟磬防秋虫留雾牖夕鸟下烟扉无人淪茗椀坐我语斜晖分携复经歲长嗟志愿违

将到九江先寄王环中

鹿門真大隱不減遠人村
淨供維摩室
鄰居祇樹園
秦淮揮別淚
楚岸倒芳樽
牢落還相見
定能顏色溫
新筍濁醪味
嚴勁飲數盞
大醉醉中作此詩

我生憐麴蘖
剛置自中年
破屋鳴春溜
陰崖響夜泉
興來猶味着
飲罷剩狂顛
但病無風韻
聊堪栩栩眠

佚老堂為柳仲輝題

小隱寄岩谷
堂成笑傲中
雖無黃閣相
不羨黑頭翁
倚杖鷗邊雨
營詩鴈背風
好閑多病處
清興畧相同

自寶峯還過長坑澗谷勝絕處

防防水循澗
悠悠山放云
關河元未遠
境界有誰分
幽樹花無賴
輕鷗聲念羣
個中湏着句
傳與世間聞

蓺玉軒

短李江南秀
虬須讓帝孫
開懷仍好客
愛畫復堪論
蓺玉風烟外
藍溪氣象存
他年多結綠
防看有乘軒

豫章董瞿老求詩

珍重膠西相
風流後葉孫
退藏羞射策
曠遠頗窺園
韻絕五峯秀
句奇三峽喧
羌山多勝踐
周禮魯俱存

漫書

歐峯秋色外
一上一回高
踐華誰云險
扪參未覺勞
雲扉留野客
霧牖卧方袍
拄頰非吾事
何湏似馬曹

錢盱眙赴上因乞詩

君自金張侶
從予嵇阮遊
祇園分客袂
星渚系歸舟
楚國烟霞晚
隋河榆柳秋
中州多汲引
行矣亦封侯

次瑛上人韻

鼻祖真消息
風流出當家
觀門親杜順
蹙指悟沙顒
我晚聞道參
同今未涯
懸知飲光笑
初

不为拈花

题吴少冯听雨堂

碧涧寒侵屋幽云夜度墙贪看山入坐怪听雨鸣廊苦乏阴铿句聊登孺子床君非无汲引寄傲学潜郎

喜得京师书信

檐间噪乌鹊窻下集邕渠喜有大梁使能携小陆书南烹饱薇蕨北馔到庭除得隼传消息更看双鲤鱼

追凉对酒

袞暑晚来歇追凉聊解颜星移团扇底月动縹瓷间蝉噪断仍续鸟喧栖复还幽人嗜清旷只合卧湖山

五言长律

上黄太史鲁直诗

扈圣当元祐雄名独擅长羣公调玉烛延阁近扶桑挥洒惊雷雨观瞻列堵墙密云来北苑珍菓出明光柱下惟青史银台无露章胡为随逐客不作瑞斋房岑寂金华省萧条玉笋行长庚万里去大雅百夫望老觉丹心壮闲知清画长珍蔬时入馔荔子喜传芳世故跼蹐远生涯啸傲傍甘为劔外客谁念太官羊宣室二天诏遗弓万国伤老臣还召毕陛下过成康泽笏皆忠说弹冠多俊良力辞佳吏部直作老潜郎忆在金华日曾扶八座床未能窥绛帐颇识戏罗囊
雁随阳去奔驹度隙忙千秋铜狄泣万古玉人藏诸阮衅犹在蕲春痛未央羣雏极鴈众口叹蜚蜚恨乏一防地归来屡择乡亲交标鬼录卜筑近僧坊宿鸟频窥牖行蜗每画梁着渠上麟阁耻学赋高唐勤我十年梦持公一瓣香聊堪比游夏何敢似班扬尚愧管中见应须肘后方他时解颜笑何止获升堂

日涉园集卷八

宋 李彭 撰

七言律诗

观画山水

不爱遑鸾爱李成
胸中成画自峥嵘
数行岛屿随人去
一段风烟向腕生
猿啼巫峡殷勤啸
雁到衡阳嘹唳鸣
我与羣山成保社
直疑俱是旧经行

遠明阁饮

百尺遊丝入座来
浮嵐空翠入樽罍
谈谐自得江山助
觴咏不劳丝管催
滕阁风流今未遠
南楼气味唤仍回
城鸦欲曙众客醉
木末防干悬斗魁

城上

城上栖乌尾毕逋
寒塘乌影过相呼
一天欲放山阴雪
六幅如观栗里图
问老自应师粲忍
扶衰初喜得封胡
香醪已熟糟床注
唤客无劳满眼酤

宿万松兼示庆首座

步履欣逢释梵宫
余霞尚带日归红
峯前晚霭晚来积
岫外秋天秋满空
独鸟深藏欹牖树
幽花香逐下山风
青灯耿耿照无睡
頼有能诗老赞公

邹天锡见过

议郎梁狱坐口语
置散投闲今放回
令节由来迫吹帽
幽园寻胜独登台
共歌昭代得银瓮
何暇著书名玉杯
此口惟堪饮醇酎
人间万事要寒灰

次驹父遊孺子亭韵

平居懒与慢相亲
寄傲行歌似隱沦
水退荷花饥残暑
秋来山色挽幽人
从雌鸕鶿窥黄防
旁母鳧雏映白苹
兴罢归来去高卧
诗成聊复寄雷陈

余久不饮酒偶饮殊适因和九弟韵

年侵畏病酒尊空
矧复听歌盛小丛
烟际鸟呼云际雨
花邊蝶舞柳邊风
向来懷抱愁眉外
今

日懽娛醉眼中何用花奴鸣羯鼓新诗解秽思无穷

游云居三首

山林投老更疎慵尚有跻攀兴不穷絶壑久忘蛇起陆寒窗聊食雁来红人方嵇阮似无愧诗比阴何或未工永夜不眠茶作祟一灯明暗鸟呼风【云居称有雁来红】

故歲新芽约畧黄重来败叶带飞霜寻幽少脱尘劳梦访旧颇熏知见香深谷鸣钟云暗淡半峰斜照树防茫去天尺五今应是璧月珠星挂上方

羣峯罗立紫崔嵬无复市声蚊聚雷遠峤云屯飞鸟没寒江烟敛健防开暖眠犊子阳關草香逐蜂须阴谷梅散策扪萝覓归路摩挲苍石更裴回

次韵答董彦速

疎山翠气连眉妩云外飞鸿防防愁只在吴头并楚尾非關张掖至幽州著书繁露想成癖待诏公车安足求何日芒屨寻旧约兰旌荪楫共优游

过鵞湖懷师川

宝峯嵌防青未了枕下滩声走白沙谷口不应无小隱桃源真恐有人家寒猿饮水避防影槁叶随波上桨牙苦忆南州徐孺子归舟天际暮云遮

春夜奉懷蘓仲豫次陈无已韵贈仲豫

云外头陀是去年已防汀草涨晴川梦中未觉關河遠枕底忽闻钟鼓传但可马曹聊挂賴防渠鳳閣竟加鞭蓬窗想得司春瓮一夜糟床酒注泉

春日懷秦髯

山雨萧萧作快晴郊园物物近清明花如解语迎人笑草不知名随意生晚节渐于春事懶病軀却怕酒壺傾睡余若忆旧交友应在日邊听晓莺

季敌检校南村田

风吹防防半传黄準拟中厨云子香潮水忽生添野水山光便可接湖光难求尘外餐霞侶未试囊中辟谷方径遣阿连聊检校饥雷已复殷枯腸

自豫章归书斋题壁

鸟乌声乐客还家僮仆懽迎日未斜小径潜筠新长笋幽斋茂树晚多花深惭麴蘖留春住尚觉年颜老去賒出处由来非细事弄泉莫忘饱烟霞

泮宫曝书恭览御书故事行乡饮酒礼诸老率诸生皆在杨先生病足独不至赋诗见寄次韵答之

云汉昭回泮水邊诸生拜舞鱣堂前老翁七十荷衣绿弟子三千桂魄圆乐正足伤何必虑伏生口授尚能传墨池载酒容他日门外侯芭也可怜

寒食日

幽人衣带病余寛终日萧然懒正冠柳絮野莺春向晚榆羹杏粥食犹寒倦于杯杓生新兴频有隣仪救老残试把一尊招近友放歌聊复罄交懽

李成德求乃翁挽诗

养疴丘壑玩寒藤领畧鸡园最上乘射虎已惊生李广登龙行复见元膺九原烟雨悲埋玉一代功名定伐冰安得董狐南史笔发扬潜德到云仍

戏次居仁见寄韵【居仁见督参雪窦下禅】

长芦老人半圣号眉毛不惜为谈空静委耽禅如缚律悬知选佛胜封公影沉寒水雁无意春入幽园花自红欲向池阳参百问却慙勾贼乱【一作破】家风

寄如壁上人

平生刚直隱长虹收卷波澜說【一作入】苦空翰墨場中无李广苾芻园里有支公未应雪浪侵头白想见丹砂入頰红驄马他年焚諫草看君妙手试宗风

次韵寄居仁二弟【隆礼敦智】

老觉余生如过鸟何曾留迹寄长空一丘一壑应还我三沐三薰尽付公病懒自知 尚白醉余贪看碧成红荀家兄弟俱奇絶时听淮南好国风

次韵寄山伯萧老二弟【山伯惠 鹤铭善本】

平原翁仲草防茸种竹当年语竟空羣从嗟予真漫叟象贤期女继汾公别来江草唤愁碧书到山阴称意红瘞鹤银钩光照坐行书正欲乞杨风【兄雅嗜杨少师恐弟辈有之故见于末句】

卜居

有宅一区聊解嘲清风历历自鸣瓢买山作隐吾无取为黍杀鸡何用招鱼托么荷障斜日箴随新竹上层霄个中已了一生事倒屣安能求度辽

寄刘壮舆将赴唐州仪曹

五柳先生同旧科壶觞终日盼庭柯一行作吏事皆废三径就荒君若何问字有谁堪载酒谈经许我或操戈平生独自赏音者听此殷勤劳者歌

奉赠瑛明发

上人霜鹘气横秋法界重重幻笔头已泛毗卢真觉海戏裁佳句比汤休云开鹤岭露兰若波起洞庭霜橘洲华髮萧骚濒老境多情猿鸟替人愁

驹父次予旧韵见贻复次韵

玉人皮里有阳秋句入丹青顾虎头压倒何劳讥陆陆老衰得懒欲休休支牀梦破严城角决眦风回落雁洲遣兴竟湏桑落酒谈间莫着畔牢愁

用韵戏呈仲诚

蒲萄政复得凉州底事防官章水头早歳已能交北海高懷乃肯顾韩休手妙他时扫银夏胷蟠佳处协沧州谁言京兆画眉妩后院悬知多莫愁

寄何斯举

传诗句句烂生光妙手殷红入象床本自奉常参定脉定从僊耳悟神方玉花自合归天廐黄鹄应须下建章见说年来真欲隐转身一路直须强

寄张圣源

豪气向来回万牛笔端袞袞楚江流拾遗已见传三赋平子不应吟四愁柱后许时淹濶步石渠看即副旁求老夫病着苍崖底细和尧民击壤讴

还家寄吴世长兼简潘子真

江头杨柳翹尘姿弄日晴空百尺丝骑省风流还有赋吴筠英妙更能诗杀鸡为黍相期处问雁呼卿政此时下榻深惭徐孺子非关劳者作歌辞

赠九峯長老

已透韶陽向上關
蔬盂茗椀每開顏
頭顱無意掃殘雪
毳衲徒來着壞山
瘦節直疑青嶂立
道心常與白鷗閑
歸來天末一回首
應在孤峯烟靄間

次韻答寶峯仁書記

袖手脫鞋悲太白
擎旗敵笑光顏
自知日面與月面
莫問南山與北山
獨秀峯前雲不隔
蓮花洲下水長閑
還鄉一曲真奇絕
與子終朝談笑間

寄撫州謝防禦

別去鷓鴣思日寒
書來鸛鷀語林端
我懷求仲徑方掃
君向山陰興已防
細讀清詩如艷雪
何時痛飲劇奔湍
懸知作草非賣菜
要自心期禮數寬

賦高明大使神功妙濟真君祠

楊柳江頭星宿踈
呼船梢子散林烏
烟橫雲卷樹出沒
天澹波平山有無
稚子揔參三洞篆
病軀長佩五靈符
步虛聲里瞻風馬
頗覺神清到藥珠

代虛中作

曉悟無生貝葉經
起宗真喜得人英
風流定自壓全楚
文物由來繼兩京
謝傳平生處華屋
滕公俄忽掩佳城
哀榮贈典他年在
翁仲何知泪滿纓

听王散人琴

花邊猶舞舊時蝶
屋角還鳴他日禽
但訝鏡中顏色改
詎知門外歲華侵
一杯相属步兵酒
三疊共听中散琴
有慨余懷聊復寫
雨余汀草自青深

南至

鄰雞戒曉暮鐘催
老境俱從里許來
但喜書云占嗣歲
詎知緹室暗飛灰
和風欲上千門柳
協氣先傳五嶺梅
弟勸兄酬真樂事
燈前細酌莫停杯

葺茅屋戲成

朔風卷我屋間茅
烏鵲含將去作巢
執扑鳩工課奴客
巡檐長嘯望江郊
謝公五畝似能保
揚子一區聊鮮嘲
欲學參謀懷廣廈
苦無鳳觜續膠

鸡冠

景纯机上为裁剪浅碧深藏称意红要与飞鸿同保社肯随凡鸟在樊笼鸣堦鼓翼何劳尔介羽登塲略未工赤帟漫多安足数尸乡反笑祝鸡翁

七夕用东坡韵

老火防防迹已陈稚金稍稍欲亲人蛛丝曲缀当时态旧叶频浇见在身女不堪严侍立天孙谁识靓妆新柳州太巧何湏乞怜汝题诗正角巾

早发开先入城至中道亲旧约予复还薄晚复自归宗入郡中

细听防防水流涧静防悠悠山放云涧底遊鱼随叶下岩间独树借云分残星已发招隱寺落日愿伍耶舍坟却背孤村入城市沙邊深愧白鷗羣

过广济

不到梅川已十年市桥官柳尚依然追寻耆旧知谁在触拨清愁不欲眠兰若霜钟犹唤睡平阳宰木上参天倦游客子心无际眼尽岗原起暮烟

种僊茅

闻說僊茅胜钟乳移根遠自西山阿岂独客来尘意少更觉夜眠幽气多避谤何湏求薏苡去家不减食摩萝 門稚子成羣后矍铄仍看马伏波

王子张以诗见报次其韵

卧看云生舍北篱起来临镜慰衰迟欲投未落鹤盘屿将去还留鹄绕枝天上汉庭劳梦寐峴南殷鉴恐羈縻蓝田丘壑仍孙在胜日勤来赋好诗

七夕懷徐十用去年所赋东坡清凉韵

幽人喜雨静无尘雨罢幽虫料理人顾我维摩方卧病忆君徐稚是前身钟鸣祇树年华隔潮上吴江月色新共看牵牛渡河汉月残露脚湿纶巾

戏次人韵

人言鼓吹来诗思鸣鹤遂闻长阜音细读一犁新句好始知三语用功深自甘木傲霜节懒作幽云出岫心茗盃炉芬清昼永流莺捎蝶过墙阴

送果上人坐兜率夏

落絮霏霏搅客心鸣鸠历历唤春阴未于莲社添宗炳已向兰亭减道林
远峤烟横钟磬晚禅天目断薜萝深诗缘酒废苦无思为子送将聊一吟

舟中次珍书记韵

沙头作别数峰暝意逐屯云愁晏阴雨打船篷藏枉渚钟残客梦忆禅林
山重水复归棹远鱼跃鹭飞寒苇深何日支郎访一度倚松停策伴防吟

用师川题驹甫诗卷后韵

梦中逐客幻中归荆楚瓯闽好赋诗谁谓涪翁呼不起细看宅相力能追
太冲文价轻皇甫籍也辞源怯退之丘壑同盟从已定莫令鬼祟作愁眉

即事

槐火煎茶气味新东园肯让兔园春鸟摧秣李霑衣袂蝶绕夭桃傍鬓唇
回策如萦峻仪范好诗转弹绝风尘颇胜袁粲饮无偶步履白杨要恶宾

贻王充道隐士

忆昨涪翁虎溪别雁来一字不曾收劳君为传三月信遣我少宽千斛愁
烟艇方游建业水玉人犹在仲宣楼何时挂席西湖去藜杖青鞋鹦鹉洲

潮州木龟有堂旧在天庆观北极殿之左近为道流窃取而去今莫知所在矣

长生要自食山薺妙语曾闻葛稚川忽见灵龟藏六用定巢莲叶阅千年
刳肠已笑清江使曳尾聊同修水边悬想偷儿难卜夜守闻黄耳得安眠

宿侍其云叟书斋

高斋解榻留我宿破梦惊涛翻疾雷水鸟时呼山鸟语朝帆才去暮帆来
百年荣落真堕甑一世称讥同死灰珍重秦淮隐君子只今风月且衔杯

竹枕

湘江翠竹斩云根偃月初无刻削痕尚想繁柯俱笨防曾经防凤屡飞翻
佳眠时有池塘梦避暑不劳河朔樽殷殷晴雷喧白昼儿童走报雨翻盆

过林子幽居

卧听山城罢击柝防蹇过君霜满须窗间山好天欲曙庭下菜肥人愈矍我非当世可领袖君合于今称楷模谢公小草恐未免懷宝要令真不沽

同安即事

摇落霜林秋兴新舍舟寻壑自防尘云光山色鲜迎客松气竹氛俱着人汉上营诗多累句孟生题壁欲伤神频伽依旧丁宁语应笑华颠映角巾

怡顏堂

心遠由来地自偏有琴何必问无 新醪清浊动秋兴老树扶疎可昼眠失学已从儿辈懒哦诗常苦后生传此腰倔强应难折尚愧顏公二万钱

周明府国镇寄诗有招隱之意次韵以报之

絕壑平生深遯逃相期推轂敌英豪绿葵白薤堪扶老黄防青鞋非养高薰浴悬知慙管葛经纶何敢望崔毛新诗如对故人面清夜不眠鸡屡号

予以王褒僮约授嗣行叟叟有书抵予并求跋奚移文且云要与僮约作伉儷以此诗戏之

髯奴上券归公许跋奚移文犹见催臧获要令成伉儷文章相与挟风雷目成眉语似真尔足蹶心邀安在哉大士好奇聊一戏不应禪寂便寒灰

戏何人表

示疾维摩难共语谁堪问疾坐绳床也知世乏长桑手尽用枕中鸿宝方马价不须劳广汉牛衣何用泣王章清凉心地俱安穩特访名园顾辟疆

仲豫买侍儿作小诗戏之

霜鹗横空河汉秋聊随鸡鹜稻粱谋却将属国旧长劔换得石城新莫愁要遣短辕无复驭定看遥集解忘忧匡山醉客时相访莫下疎帘作障羞

溪上

门前浑是浣花溪坊里深疑号碧鸡短艇波横随暮靄遥岑雨歇看朝隳髯奴便了能沽酒稚子添丁解灌畦欲赋郊居追沈约只愁误读作雌霓

扇上画雪景戏书

醉余澹墨寫生綃咫尺真成万里遥短棹船归剡溪曲披蓑人渡浣花桥暑中松雪俄辉映月里山河俱动摇凜凜寒生立毛髮从今襜褕不湏嘲

二月二日大雪

天公长作狡狴戏舍北舍南无限春密密踈踈桃着糝娉娉袅袅柳含尘老人已老难复少故衣虽故昔经新岸荠未花汤饼滑何劳象白间猩唇

得了翁书

都司曾拂御炉香严谴归来鬓未霜麟阁他年防赫奕兽樽今日久凄凉楚氛闻説行将弭汉道真成喜再昌莫作湘累吟泽畔锋车促召据南床

庐山道中见梅花

江头细草已摇春幽谷踈梅尚着人未许扬州动诗兴却嫌戚里妬妆新范郎鄙枣不同传汉省含香可买隣蝶翅蜂须莫浪喜元无一物浣香尘

苦雨

陵陂麦熟晚云黄妇姑当获相扶将谿山作雨水漂屨芝菌对床蜗篆梁宴坐翻疑谷帘下梦回恐在漏天旁何时晴岚来入戸撩我浩歌倾一觴

江梅

江梅踈雨弄晴曛割取江东一信春剩得耐寒惊蛱蝶竟来占醉倒纶巾未容作赋重招屈岂敢含毫论过秦何日大梅梅子熟从渠高浪白如银

睡起

鸟鸟声乐报新晴睡罢南窗午醉醒恶客从讥 尚白斯人相向眼终青渚蒲汀草垂垂发幕燕林莺续续听日采太仓真细事安寻佳句遣沉防

次妙明观韵

春岸波平汀草深野航荡桨恣幽寻星坛香转来真侣菌阁钟鸣生道心忆昨霓旌归紫府尚余鸿宝作黄金肩吾戏吐烟霞语缥缈欲仙难陆沈

次韵答仲兄元亮

杨柳江头人迹稀心随钟度远山迟忽传忆弟看云句想见流觞曲水时人比封胡终有恨韵低徐庾敢言诗青春欲谢子规叫莫惜归帆赴后期

用元亮韵寄驹甫

才名绿髮斗牛垂天禄讐书何太迟却扫未尝嗟半菽养痾不是傲当时铺张大对明光手收卷裁成邺下诗见底冰壶最清澈何时照眼防心期

用元亮韵答师川篇末见寄

蚤歲闻君万人敌定交已悔十年迟中间防面无虚日底事分携用此时不隔南云无过雁犹因北阮着新诗征车欲作日邊去傥赴幽园茗菓期

复用迟字韵呈元亮

去日關河雪打围缝裳密密恐归迟忽防高笋成筠处始见残樽下马时暮雨萧萧聊洗恨东园物物总宜诗莫言心赏随年薄勤赴幽人林下期

东台

门巷依依称意苔杖藜野色逐人开马驹卓锡今应在康乐翻经那复来云物苍茫山遠近波声宛转水萦迴风流頼有潘懷县一洗从前猿鹤哀

次韵徐师川喜洪驹父归自临汀之作

赤壁烟波翻 溟长沙卑湿重行行一觴一咏劳清梦三沐三薰慰别情不作畔牢愁执防共吟哀郢哭初平生来竟病几牢落漫兴安能学背城

度章水道中戏用城字韵呈驹甫师川

楚波不动晚山青顾兔西来照我行野鸟钩辀如有意渔歌欸乃亦多情湖邊倒载思山简机上迴纹念始平欲覓澄江如练句乞灵须向谢宣城

次韵答季智伯弟

废诗不复匠苏州蠹简于人风马牛喜有丘明能撰次极知水部愈风流句分竟病应难敌家有封胡可解忧共叹宣城防岱早剩招去干不能收

贈蘓仲豫

平生照眼玉壺冰
解向朝陽續鳳鳴
黃鵠樓前重防面
白蓮社里定交情
疎才我亦憐文舉
大雅君應笑正平
貰酒臨邛聊復爾
莫令狗監污高明

贈王環中

拄策前年訪草堂
挂帆烟際在西江
詩隨鴻雁來春渚
夢逐蟾蜍入夜窻
辭聘知君追孺子
屢空嗟我似窮龐
菟裘欲買為隣竝
歲晚相期倒百缸

贈張仲義

春衫試吏楚江濱
真以文昌思不羣
未暇等陶辭小秩
何妨慕謝始精文
壁間妙句流黃素
松下英姿大壑云
但恐承明賴公等
不容蠻府作參軍

奉贈介然

彈壓諸方化城老
聊同懶瓚恣佳眠
雲隨雷下雨歸壑
竹引窻間風動烟
晝靜防搜徒覓句
道安高論愧彌天
叢林良藥今無有
絕影湏公為著鞭

宿同安用舊韻呈雲叟

蒲柳望秋今復衰
遙岑雨罷抹修眉
寒林要使入方尺
妙筆懸知愧畫師
不見揚雄草手細
防束暫補亡詩何
時共飲建業水
更把北山烟雨犁

游同安寺

郭內那知草色新
道人庭宇別藏春
高榆風度青含英
艷杏雨余紅退唇
茗盃薰爐清有致
禪天金地復无尘
裁詩得句如拱璧
不費咸陽設九賓

遊昭德觀

曉隨歸雁影聯翩
來訪仇池小有天
萬籟虛徐雜鐘磬
一源淳朴異山川
雲蘿大壑真遊遠
風掃石楠佳句傳
司命峰前徐孺子
几時風雪對床眠

夏牛卿用韻見貽次韻答之夏先君子與先平陽厚善

君合雍容供奉班
彤墀紫仗近天顏
悞隨手板落趨走
却望家山思燕閑
使君銅狄悲防岱
令尹玉棺今賜環
樽前回首二十載
更話幽禪未易攀

客有和予顔字韵诗者答之

蛩花初卷簾文斑苦被秋风吹老顔慰眼既亲还有旧起予多病复思闲暮年倚仗心三径看
子着鞭腰九环小屈尉曹吴防去莫因横槩废跻攀

送规老住防之慈云

禅翁竟补栖禅处兔角龟毛杖佛僧久厌宗雷同保社却凭章贡浊埃尘定携天上苍鹰爪去
接西江白业賔大庾岭头梅正好同风千里一枝春

郊外书事

郊原野老带经锄童稚何知竞挽须我亦弥年躬井臼儿能终日课樵蕪颇思鸥阁仍虬戸那
似松醪伴酪奴志大才疎苦多累真须鹿鹿効周谟

和何思举韵寄元亮兼简性之

避冷幽窻歌屢屢鸦啼疎柳把南枝长须勿送平安报满眼仍看竞病诗稚子每嗟檐隙短波
臣常梗客行迟应贪左辖蓝田防落雪官梅动兴时

和许秀才见赠许病目良苦

木末鸦啼负郭村无人白昼掩柴门诗来或作破客梦语妙直堪排帝阍抱瘵端如叔夜懒幽
懷思对阮生论何时还子读书眼解脱无根须返元

和冯仲宣韵

秋风寂寞仲宣楼金狄伤嗟卧一丘喜有斯人出淮海追还旧观极风流莫将起草明光手去
伴诸郎肉食谋我欲清江理烟艇寻君楚尾及呉头

奉酬谢防槩

窻间遠岫谢 晖人物煌煌三秀芝黄耳来时得佳句碧云合处起幽思深闺复见解围手胜
日应多赠妇辞念我庞婆最痴絶只能举案解支颐

次韵奉酬防槩

结庐不入遗民社好客初无仲蔚蒿度鸟防防与心遠孤峯峭峭伴名高樽前着我醉千日镜
里縁君减二毛安得买隣挥百万拍浮左手更持螯

再次韵呈之忱彦先彦达兼呈防槃

割据溪山天下豪长松独许倚青蒿小巫政自雄河朔浅器从来鄙奉高烂醉何劳愤田窦淳
风相与继崔毛不知底事真奇语且向窗前嚼二螯

次驹甫涵虚阁韵

梦中占梦偶相逢山上有山随转篷我自持觞酌 酒君应临水洗蛮风行参鹇鹭峩冠客岂
是江湖把钓翁暇日频来裁锦句要看玉手乱殷红

七言长律

紫霄道中

山行积石路逶迤村径成门逐处移一防炊烟生虎穴四来暝色到牛衣畏人沙鸟飞南陇傍
母山猿恋北枝鴈塔崔嵬临画峽墨云霭防起方池髯秦昔别留奇画病可虽亡余好诗【秦
画松石于归宗壁间可为赋诗】羊祜不如铜雀妓蔡邕尚有虎贲儿【世未甚知可而美庆
上人者学诗于可】开颜欲效东篱醉【栗里在归宗寺旁】真隐惭无谷口姿安得膏腴盈
二顷雍雍唤取共扶犁

日涉园集卷九

宋 李彭 撰

五言絕句

唤渡亭

草风兼沙雨依约渭河边昔人曾唤渡絕唱颇清縣

戲书山水枕屏四段

遥岑天南端野釣垂杨下萧散策寒藤綠云复观化澄江真皎镜短艇戲鸣榔无复机心动不
惊鷗鸟行孤峯上排霄羣木尽生意持竿坐石矶高懷在云际复阁耿苍烟斜晖挂木末卷帆
何处船危檣待明发大雪投宿園通以野雪盖精庐为韵赋五诗并书涂中所见

寒雪尽垂空玉色粲万瓦默默行五牙郁靄望黄野昔我游山陰杂花纷似雪重来雪作团遠
树皓已结山翁雪垂素相逢乃倾盖同看艳雪舞尽此威迟态借问佩苍玉何如煮黄精古来
涧谷槃价自重连城马疲如客饥税鞅文公庐人好雪亦好何啻射洪乌

迎阳阁

扶桑有玉书郁仪善相保朝暾到颓檐危坐填血脑予夏中卧病起已见落叶因取渊明诗门
庭多落叶慨然知已秋赋十章遣兴

西岭障斜日澄江来绕门归鸦千万防暝色入遠村燕坐修白业焚香观黄庭清霄降真侶弭
节或见聆境静轮鞅寡堦空络纬多萧然正遐瞩脱叶下庭柯我初卧病时桑麻翳负郭扶杖
延秋风山川俱黄落寒温机中素荣歇洞庭叶发兴鷗鸟行风烟理舟楫平生老骥心伏枥端
有在华月生夜凉南窓歌慷慨园中有奇货雨满 芋田一饱吾已足望山思悠然结交何用
早士贵心相知苟合殊真味咄咄成乖离林庐亦云乐欲语輒复已取琴抚徽弦妙不在宫征
沅湘歌九辯梁父吟四愁虚斋无一事坐对楚江秋

六言絕句

太平小寺

行尽斜峯急涧忽看化寺神居云 沉沉复阁旁看贝叶遗书

昌书记画梅

花柳春风纷衍禅窓晚放横枝虢国生憎粉黛晚妆淡扫蛾眉

夜坐兼戲环上人

蠹简聊寬岑寂榴花颇慰榛芜莫问草 上白须令看碧成朱

毛髮早惊蒲柳衣裾又变风烟我是一丘一壑君应三要三

落木霜猿到耳风高 雁横空覓句深凭料理解围俄听晨钟

昌书记画驯猿

巫峡猿啼向曙云何却在樊笼想见珍羞豢养翻思槲叶微风

七言絕句

庭梅

春风日日下丘园綠到萱芽蕨破拳莫怪庭梅晚来好尚堪桃李与争妍

寄贈择言两絕句

忆昨同倾三昧酒论文时掇百家衣他年准拟兰亭防好画高人支遁师

逍遥儒墨两專场万遍莲花嫁马郎心若死灰诗欲尽乞依西国更生香【择言与参寥相厚善故戲作吴语戲之】

舍弟彤检校南庄刈稻中秋日作三絕句见寄醉后偶次其韵答之

天南云破玉绳横上有蟾蜍云外明共把一杯懷少雁新诗深悉未归情

呼邻貰酒酒如水以酒攻愁愁有城醉舞不须看短舞神清便觉映肤清

珍重江南庾子山诗名晚歲滿江關应须剩读书千卷始在班扬伯仲间

答徐十贈诗三絕句

东湖高士有云孙句梦池塘论过秦海内故人流落尽病夫杯渡不嫌频

窓中山色扑衣襟户外江声醒客心我在山陰君在剡思君行坐短长吟
炉薰细细绕禅房竹日晖晖映短墙安得买邻同歲晚鉢盂分饭共绳床
答谢迈秀才三絕句

饱闻玉树堦庭长今见凭虚意欲仙遣我池塘梦春草阿连风味剧堪怜
短李门前无宁馨书淫诗痴类天成多情喜有谢康乐步履同寻鸥鸟盟
平生抱瑟齐门立不比吴宫夸靓妆周鼎商盘甚淳古君来独慰九回肠
答黄直夫二首

紅顏綠髮花映肉別去年顏存语音秉烛相看真梦寐细聽存没欲薰心
笔防澜翻走百川胷中书传作丰年自怜疲马老伏枥絕影如公更着鞭
次韵答九弟首夏郊园即事

疏泉方作薜萝深月落参横要共斟径醉逃禅真粲可 搜得隼近韩岑
阿连句里欲回春早慎论交思不羣莫愿才堪任遗补来参折臂大冯君
营巢燕子语犹新接叶莺雏已晚春催晓鸟乌声更乐直疑料理废诗人
何须痛诋程不识未用亲摩史謁居昔时万事愁眉外顿觉幽懷常晏如
再次韵

嬾覓新诗劝春住只愁尘爵每空斟余酣晚漱沙汀外未羨明登天姥岑
陈恬老作中州客少室晓猿声念羣通籍金闺成防事看取九原 漠君
古木千章夏陰合瓮头别作醉乡春草 不是扬雄事定自免为投阁人
种葵艺瓠成畦垆奇货由来果可居汉代封君浑未称故侯风韵拟相如
元亮次韵四絕相撩和荅

枕中鸿寶裹蹄金火 曾经手自斟瓠子河倾那可塞忍令清饿首阳岑
少陵独见阮生论我乐同乡独乐羣两阮八龙浑可拟操戈披靡独输君
从知瓮防堪肥遯近觉樽中每着春狗窦相呼竟何补献酬故属画眉人
仲子酒狂言语疎文章敢比茂陵居未见逺山堪病渴直愁滌器枉相如
清明

汀草汀鸥解唤愁舍南舍北度鸣鸠深凭竹叶留春住未信桃花逐水流
高柳半天浑欲眠二毛苦上接篱边兴深杯杓懷山简勾梦池塘忆惠连
晚将麴蘖寄吾真不道公当恕醉人欲学少年花压帽却疑花笑及花嗔
登耶舍防

五峯罗列斗南垂百代堂堂歌紫芝一老去为西伯用四翁应笑北山移
春意三絕

屋角鸟呼春意回江花江柳自相催废诗诗思澁如棘勾引无劳酒作媒
裁云为柳雪为花恼乱中年春意賒庭宇风微教驯鹤池塘日暖浴娇鸦
日日映堦春草香春风到处着胡床梅梢何许蜂酿蜜来采幽园宫樣黄
题温泉

能使时平四十春开元圣主得贤臣当时姚宋并燕许尽是骊山从驾人
晖上人画梅乞诗

微风正尔送荷气忽见巩梅冰霰姿元是道人三昧力明窓漱墨发南枝
西防

峯前日出雾初散谿上雨来禽乱啼欲记曾游三峡处诗成頼有董胶西

睡起

林间穉竹犹含箨柳下孙枝屡放绵午梦不知清昼永娇莺啼破晚窗前
奕奕柔桑霜后繁绿丝无复蠶盆翻愿同园客蠶如蠹忍使疲民无复裨
鸟雀雄猜作伴飞机心还复堕危机何如绡练堂前燕拂面衔泥防客衣
穉麦翻畦雉羽斑郊园贯酒有余欢奈何苦雨倾沧海坐遣南翁衣带宽
石阙林端昼夜啼罗生芳草绿成蹊扶筇携防出门巷雨过舟横水满谿
戲贈行密上人

东风未解北风愠腊雪半消春雪深欲向僧房覓清昼细聽山暝孤猿吟
次李仪中韵送杲上人归龙安

不作郊原雉应媒心随山色翠成堆翩然一鉢自归去有意杖藜还复来
访僧

茗盃薰炉从不来晓猿夜鹤总相猜故将野老扶衰杖踏破僧家称意苔
戲贈嗣譽二首坐

谈禅高出洵仰右著论耻居生肇傍更有新诗堪抵罪与君约法定三章
僧中君是玉花骢气逸浑将入古风欲向松窓翻妙语愧无笔力到方融
病中即事

懒慢经时不出门秋风藜杖稍相亲念羣属玉鸣碕岸作伴蜻蜓上角巾
病厌鶯儿酒色黄蔬盂终日似僧房驯猿时复攘新果夕鸟飞来啄蠹床
初无勾漏为丹砂何必青门始种 口腹累人吾岂敢深劳溪友饷鱼虾
啼乌引子来衣桁野鹭衔鱼堕屋除百念已忘余习在手持叔夜养生书

利口毁誉本无嫌空洞腹中须属厌何用灞陵嗔尉醉未劳汉署叹郎潜
畦间魁芋敌蹲防木末深悬大谷梨小摘已堪充米价煨尝聊用补朝饥
络纬井干空复啼萧然脱叶望秋衰最怜庭下婆娑桧郁郁已含梁栋姿
失题

草阁柴扉旧逐凉苹风一曲洒回塘尚余新月张敞画无复么荷韩壽香
篱边日出抚孤松户外云生遮数峯避冷随阳闻过雁催昏唤曙聽疎钟
寒鸦衔枝欲定巢近同客食上林梢能逃歲德安门户出处悬应不浪交
纷纷眼界秃居士却着云山壞衲衣箴孔线蹊无量义谁能于此顿知归
秦郎本是金闺彦撰次曾为仙董狐西狩获麟虽絕笔道山今日要真儒
韩侯数奇亦云极奈此风流英妙何传闻东观已著作即看西掖与銓坡
庐山道中

无复春风绿髮前索花共笑过年年只今老境花无赖媒蘖幽人作醉眠
崇桃灼灼眩清昼细柳依依迷遠村似聽淵明賦归去柴桑幽鸟语黄昏
三年不饮虎溪水一笑来尝鷹爪芽岑寂仲堪谈易地只余苍蘚借残花
董仙种杏令虎守只今但见莲花峯鍊师欲作小隱计余力犹堪追祖风
忆昨山陰峯上头山腰云雨半含愁苍崖壁立题名处光怪时时射斗牛
萧机斋中天马驹追风未试且幽居剧谈挽我留三日不费一防传异书
不识西湖林处士饱闻陰木叫钩辀茂陵遗藁今应在索价虽高未肯酬
英姿秀骨徐尚书忠义丹青那可图褒鄂真成毛髮动犹将生气压曹蜍
北斋两絕句

芭蕉叶大雨声催叶防繁花菌蠢开欲据胡床呼作炙膳夫何用探心来
烟沙茂密小池塘注水枯荷馥晚凉何许蜻蜓立荷盖惊飞作伴过东墙
对雪有懷庐山道中

傍窓幽鸟语忽忽云阵羣山雪辊风信有农谈四邻从隔篱烟火醉眠中
自和六絕句

丽日暄风下大荒百花气暖汉宫香携幼来寻竹间寺游丝寂寂绕回廊
金屑琵琶刺绣裙弦弦软语怨昭君仍年病着屏杯盎酒兴多于出岫云
水荇芦芽相纬经倦飞翠碧暫来停含毫未下无新句安得毫端飞迅霆
蛙鸣废沼弄妍姿破梦起看星斗垂度曲安能当鼓吹洒灰那复计官私
边腹从来不贮愁归鸿目送颇悠悠三吴何用忧狼顾一战行看擒狗偷
二季苍顏催我老年过四十眼犹明细字未能妨老读每逢佳处胜專城
再和

清朝画省得名郎嚼麝高谈百和香水镜欣传佳吏部更须端委侍岩廊
仇池仙伯烟霄外妙出湖州写墨裙昼永虚斋风动壁枝枝叶叶欲生云
刘侯白髮续羣经原夜怜渠不少停赍恨沈王今已矣那知为电复为霆
珪璋挺特晁夫子家法文章万代垂却袖当年医国手磨鉛起例只营私
且复持觞歌莫愁防衣柳絮晚悠悠要知境静自心遠不是年衰成语偷
平生爱花被花恼况复杂花川上明劒外参谋诗满眼乞灵何必锦官城
同季敌弟过南岸野寺

杨花糝径雪缤纷短艇横江烟草昏小雁俱来覓春事情知春过水南村

数日陰雨懷李生

衣裾兰茝有余清风骨冰霜照眼明欲共阿戎谈絕倒亦憎暮雨滴堦声
文楸玉子知无敌愧我元非王积薪愿赋烟茶不堪剪风流文物不无人
燕颌应须游玉闕归来綠髮看峨冠他时烂醉红鸂鶒更跨追风乌贺兰
戲刻真牧堂竹间

风微雨细花梢动日落钟鸣雀语多未有池塘春草句戲成户外竹枝歌
小憇琵琶亭呈环中养正

南楼岑絕冠湖外举扇每避元规尘庾公楼下落帆处掀簸定为公所嗔
超超迈俗郭有道育孤事嫠如古人莫言壁立贫至骨鸡黍自是延嘉宾
山南獲落苏季子饮作江潮雪阵来想到诗肠应作崇挽回妙语如琼瑰
戲呈子苍

一杯相属步兵酒三叠共聽中散琴有慨余心成独写雨余汀草晚来深
山郭遇郑禹功行县

广文官冷饭不足行县符移牴屢催邂逅班荆作吴语风姿峭峭絕纖埃
清晓登无相浮屠上有东坡书

龙蛇穴窟寬淮山楚水绕栏干儋州宰木应摇落八法犹参星斗寒
舟中戲作俳体

皎齿青娥倚柁楼楚波微动晚风秋不辞自去迎桃叶两桨还须送莫愁
目成可意亦不浅思是罗敷旧姓秦莫道使君自有妇愿为解佩汉臯人
茯苓

忆昨舍边松雪明于今偃盖入青 何时容我携长镵翻动龙蛇取茯苓

日涉园集卷十

宋 李彭 撰

七言絕句

老坡自海外归为书简寂观云卿閣榜今为煞风景者毁之

笔防颶风吹海波滂悬郁郁照岩阿十年呵禁烦神物奈尔焚琴煮鹤何

戲书

虐雪饕风春事晚轻红未放入夭桃即看倚杖花经眼便许堆盘黍雪毛

晴檐已复聽提壶浊酒聊堪释荷锄短短长长爱园柳三三两两数谿鱼

渌井寒泉彻防清不容私地有蛙鸣修除何独充庖易要看箴龙将雨行

止酒废诗春昼长颇知易戒复难忘戲于窓下还诗债便欲花前唤索郎

次韵文潜立春三絕

腊前漏泄有官梅春色悬知里许回日涉园中聊步履黄蕊早韭复争开

后皇司春生意还无知草木亦班班顾怜綠髮添华髮羞插耐寒花上幡

举酒徵贤且合姻盘飧野菜鬪尝新阳春有脚今谁是始觉前朝贵老身

延福寺

寻尽云山发兴多稍知兰若在岩阿不以姬姜弃憔悴杖藜聊复一来过

齐安江头别何氏兄弟舟中得四絕句

踈星牢落散江东怅望夷犹醉眼中长年三老相欺得故将短棹指西风

八字山头阅世故周郎赤壁防人肠玉鱼金枕皆 寞鐵骑楼船堕渺茫

乐羣野鷺巧相依旁母鳬雏肯浪飞怪防相连若耆旧无人花鸟自忘机

岩岩五老古须眉似对幽人歌采薇
汉事烦公即调防蒲轮飞诏盍来归
留别小庆

风催万壑雨归去云闭连峯不放晴
门外从教春水濶杖藜准拟聽江声
二絕

过尽柳花无复绵几畦麦浪涨晴川
幽禽唤起醉乡梦疑在故园茅屋边
生綃他日写荒寒咫尺浑如万里寬
我据筇輿烟雾里有人应作画图看
对酒二首

颇欲持觴为上顿直疑买醪成大偷
盃中麴蘖可肥遯不比终南猿鸟愁
雄猜刻薄王处中不饮思欲诛蛾眉
何如一醉睨万物小黠向来成大痴
梦秦处度持生绢画山水图来语予
此画刘随州诗也君为我作诗书其上
梦中賦此诗
随州句法自无敌写作无声絕妙词
谁料长城千载下秦郎复出用偏师
歲晚四首

天长 雁作行遠沙晚浴鳬相对眠
松醪朝醉复暮醉江月下 仍上
汪侯胷次濶潇湘秀润清时符宝郎
谢宇窓间仍发兴敬亭山下屡成章
苦忆中州向子期微官防尽賦新诗
清班未许睎天仗直指聊看着绣衣
眼看杨柳涨春风忽复山明雪映松
但把一尊扶醉病何须三揖送文穷
茅堂清坐有懷元亮

不到青园三月余行间茂密见新蔬
最怜防迹生尘案复有潜筠穿我庐
有懷雪堂旧游

雪堂杨柳三五株堂里先生万世无
伐树何人成粪土如闻筑屋复栖乌

柱史秦郎无检幅笔端真有大夫辞迫懷耆旧谁能继况复赏音黄绢碑
张侯瞻蔚气如虹字字追还西汉风歆向俱为泉下土辞林正 絕流通
陈子真成病乘黄園丘一仆殆堪伤苦吟幽语多奇澁未免人讥急就章
柯陂潘子骨已冷文采风流付陆云不见十年应好在酒浇边腹贮皇坟
珍重何家大小山高文丽赋敌扬班书来慰藉江头别想见园林人外闲
离曲池憩巾口

小泊曲池桑柘陰遠墙岑寂伴高吟孤云两角真在梦一抹寒林古木深
野僧亦复稻畦衣两两三三巾口归拂拭涪翁刑部句晚风吹泪对斜晖
物色真成行画图十年对面不供书才慳更着李商隱无复重讥獭祭鱼
林占处士和靖先生之孙也与予厚善今死矣作雨絕句吊之

爱君浑似金华客谓我犹堪供奉班萧寺愚溪两 寞一尊聊复对西山
危脆芭蕉何足道姓名今不减西湖茂陵遗藁他年在曾有书言封禅无
从不得六弟消息二絕

去日么荷拳未舒水花高盖已扶疎大医法窟应寻徧有防能忘一纸书
平生大敌刘文叔每发一兵鬓为苍不得淮南近消息萧然添我鬓毛霜
游云居寺三絕

茗椀薰炉从不来晓猿夜鹤总相猜故将野老扶衰杖踏破山家称意苔
去年重失洪崖约今日又寒徐稚盟胜日幽期无恶客寻僧银色界中行
燕坐身游水晶城梦回心净玉壶冰更聽夜雨檐花落却是细泉幽窦倾
代二螯解嘲

臞儒他日倦 殼蛤蜊自可破愁顏不似二螯風韻好那堪把酒對西山
解嘲

平生痴絕百無憂黨友相嘲顧虎頭痴黠胷中各相半要之與我不同流
丘林从矣自耘鋤罕識心勞 芋區不復論文傳防婦安能索筆着潛夫
西隱觀

書籤無復梁蕭統像設空余譚紫霄馴鹿將魔眠藥圃歸雲帶雨度山椒
離豫章進賢道中

春在江村桑柘中多情十日雨兼風杜鵑北向勸歸去我為故人聊復東
招隱亭

裊裊秋風生桂枝小山岩壑石逶迤王孫歸去歲將晏莫學臞儒炊戾戾
鄰鷄

鄰鷄午唱靜中嘩挾雨蒼苔傲落花已覺星星鬢邊出真成一倍惜年華
醉中戲次師言韻兼簡少逸

不覺龐公隱鹿門逢場作戲任吾真風烟从着雙蓬鬢脫防公應怨醉人
筆下疾雷驚四鄰勒兵小試頌聲新司空城旦余波爾六籍紛紜并大春
往日風流京兆眉却穿刁簿敗荷衣新詩渾作菖花語只欠天街便面歸
愧乏金椎控頤手偷兒何苦向人來囊空四壁亦云靜只有丹鉛勘玉杯
次韻九弟過炭婦兼懷微公之句

阿連冲曉絕江濱驚起江汀鷗鷺羣不為營巢只覓句真成拄頰玩幽云
頭陀雲外見遙岑爭似歐峯雲物深想見伊蒲欲為供波生茗盃憩牆陰

次韵九弟幽园即事

万事向来元不理非關轩傲故相违幽园把菊初无恙未叹将芜胡不归
孰知卜筑野人居饱聽邻钟与粥鱼便觉悠悠云入座只无防防水鸣除

次韵正平见赠道予游山北胜处

山南山北似壶天雨宿风飡近日边噉噉猿啼石门路此身浑是谢临川
佳句全胜顾虎头千岩万壑斩新秋归来把玩无穷意始信遥天寄客愁

次韵九弟五絕句

遠韵防须真迈往高懷那用太分明病夫阅世盖多矣說病由来非妄情
草际窓间蟋蟀鸣愁来无路敌方城却怜郢客悲秋赋强使微云滓太清
谷水为帘映暮山珂珠贝玉妥天關传闻小陆同支遁游戲苍崖鉅壑间
沙鸥日日满苹汀白髮忘机不复惊何处暮帆来浦口背人飞带唤雏声
橘花漠漠玉花深屡起微霜落 心喜有青黄着篱落千头未羡满寒林
哭尚书墓

过家上冢非无子宿草孤坟独可悲赖有立朝庄语在不劳谀墓作铭诗
种竹当年语尚新藏山万卷总成尘牙籤知落谁家去往事凄凉欲损神

游云居四首

鸡林磨衲度帟沟海外风烟在上头箴孔线蹊谁善幻千岩万壑斩新秋
悬崖怒瀑落龙湫恰似王师破蔡州续蔓沈竿空莫测石鱼酒舫未应求
壞衲槃跚玉涧翁负霜秃髮颊暎红时时口占东坡语顿觉曹刘力未工
冉冉山云低度墙涓涓流水响长廊不緣抱病關鬲冷早赋式微緣防忙

寄郑禹功魏虞卿

杖藜徐步倚柴扉园柳青青马尾垂日暖游丝萦落絮黄鹂衔得上高枝
众草风来俱掩冉惊红骇绿鬪年芳崇兰秀发北窗下燕坐时闻自在香
苦忆苕溪郑广文足惊豪翰独超羣山南饱看懒行县笑杀无心出岫云
虞卿再见封万户三语掾曹驹伏辕北海防须加慰荐横空一鶚看腾骞
萧子植寄建茗石铍石脂潘衡墨且求近日诗作四絕句

寶犀新斲面岩冷碾出壑源春雪花何用纖纖捧渠碗絕胜片片勾流霞
良工刻削类方城煮茗细看秋浪惊未许儿曹轻度量岂容奴辈笑彭亨
苍崖絕壁长琮腴灵府烦蒸借扫除老楮羣鸡甘下筯乖龙左耳避珍蔬
遠灶积烟烟更多絕人妙手不同科萧郎饒我客卿辈遠愧山陰书换鵞
寄临川诸旧兼悲二谢

晏如雅贍志沈郁诗语松风万壑哀皮里阳秋能刺举眼邊青白兔嫌猜
董侯本是古沈 风味澹然云水深见說修门和气满何用涉江歌采菱
何侯嗜学黄鹄举谢客哦诗丹凤鸣急雪异时登拟岘放歌何日酌宣城
半岳摧峯怜二谢孤坟宿草已防茸自叹蔡邕今老矣铭言独不愧林宗
寄何氏兄弟

病语无心复惜秦防持白业五台宾往时赤壁好风月俱助两郎诗句新
青州从事懒行县白水真人不造门时作药山遮眼计寻僧煮茗过只园
次韵山谷寄贺铸

平生贺监毛髮古风流歎咏付衔杯赖尔云孙亦不恶山陰气味唤仍回

淮海维扬万人杰松吟宰上不能杯虽无横州过秦论犹有清歌慰九回

客庐山道中寄中上座

谿山轩豁逐时新草树欣欣雨后春
弄水看山添野兴可怜鱼鸟自相亲
着行官柳拂人低勾引风光挽客衣
正是斜川春事起翻思戴月荷耒归
紫霄独立冠遥岑静爱云无出岫心
见説危梁耿大壑欲招惠远与同寻
顔鲁公祠

心正能令笔不欹银钩犹冠古今奇
凛然一代英灵气犹似当年骂贼时
邻寺遣兴三絶句

蛩花簟冷春气分午醉醒寻野寺门
黄落远林供倚杖却疑残照是朝暾
映堦駮藓漫层层古柏连蜷上老藤
梵鼓粥鱼今落莫半归官焙半残僧
修源一带碧湾环上有江西淡竚山
便觉心尘双寂寞不愁骑省鬓毛斑
遣兴兼寄豫章二弟

国士无双有山谷斗南独步忆秦郎
鸚鵡洲前多胜日古藤陰下夜何长
独持杯杓酌先酒遗我此物忘百忧
乞灵鲍谢共倾倒况复隔窓悬玉钩
龙沙季子在原乐不肯附书黄耳来
滕王阁上覓佳句鐵柱观头行几回
即事

勸聽戍鼓击铜龙卧待当轩叶防风
暝鸟忽穿明月去直疑便面写归鸿
左界明河夜未央轻风洒面作微凉
藏舟枉渚者谁子欸乃歌声短复长
纷纷著作能上马袞袞紫微俱斷窓
韩侯遽绾铜章去岂坐双流带二江
我觀之子秉周礼要使诸儒识汉仪
侧席求贤天子圣未容泽畔吊湘累

眼看花雾共衣霏已有羣莺窓上飞心事但随春事尽钟声更伴鸟声微
醉书

酴醾夺目表春余闲雅雍容亦甚都睥睨园林众芳歇持觴耐久作欢娱
稚子满林春笋生残花老境尚多情潇洒封侯真有自竒姿未让惑阳城
湛湛胷中万顷陂翻疑浅器是牛医从来未许愁知处顾肯因愁移面皮
送淳軾二上座

密掩柴门防还往道人履迹破苍苔青灯相对语离夜况复打窓风雨来
上人定自有佳处眉宇翠气连湖山烟边 雁着行急力挽不防相与还
漫兴

真牧堂前花草新舍南移就一番春非關瘠鲁欲肥杞直恐强齐将弱秦
梅花冷蘂发疎枝云断天南放日晖乱折寒柯有双鹊衔将缀作百家衣
翻经防

五千余卷在高防内史翻时腊屐来梦断池塘人不见年年春草绿成堆
幽园风雨

妙手春工如画史鵞溪百幅挂城隅却将李成骤雨笔掩映边鸾花鸟图
竹间两絶句

鸟声催得青春老花气浑忘白髮新谁复能寻三径友信知真是五台宾
何许晚钟烟雨余花间蛺蝶舞蘼蘼莫将絶壑漱流齿戲诵文园封禅书
自西林投宿归宗

江都着足寫余酣颇怪朝晖变夕岚我与诸峯俱是画解随归鸟过山南

补遗

魏鍊师四松画轴【案此下七首据玉涧小集补入】

四松在涧壑歲晚乃更奇萧然如黄绮傲岸不可追谁将谈天口掉舌聊见移由来拂东绢寫此霜雪姿便有松上雨催我窓间诗翻思斷青 采药堪扶衰当年丹青手开辟造化随既有圯下约子行何后期

徐叔明校书篆笔奇古复善丹青为予作汉江暮靄扇材极妙力求鄙句作此以赠

曩时徐骑省篆古逼秦相后来得仍孙毫端溟渤壮能回顿挫姿丹青生意匠余酣写便面万里烟莽苍何许捕鱼郎落日荡双桨无劳翦吴淞安用买叠嶂真欲老是间尘境孰非妄怜君俱入妙简逺复清旷定为造物嗔覓句聊分谤

梦访友生

少年结客长安城妄喜纵酒同章程支离老去一茅屋枕书卧闻长短更友生相望止百里寒夜寥閴无微声梦中乘兴輒见戴剡溪聊尔扁舟行觉来蘧蘧一榻上不用僮仆争驩迎吹灯弄笔欲书寄窓前白月方亭亭

唐明皇夜游图

开元御极垂衣裳登三咸五凌羲皇白环重译银瓮出卜夜遨游乐未央香车鬪风秦与虢罗帕覆鞍真乘黄赭袍错落缀北斗步辇优游含缕觴寧王玉笛上霄汉御路花光争月光汝阳羯鼓绢帽穩打彻参旌低建章太真霑醉玉欹侧力士传呼声渺茫翠钗挂冠红粉妆金貂贯酒白面郎君臣玩狎乐莫比清禁喜闻宫漏长若令姚宋坐庙堂袖中谏疏神扬扬万里桥邊行幸处后世 鉴懷苞桑

题驹父家江干秋老图

江风飏飏江水寒芦洲雁下生微澜渔翁夫妇不能语津吏醉倒船着滩其旁病夫坐箕踞持竿万事那复顾悬知宁防娇儿乳不及 鸿及飞鹭

都城元夜

斜阳尽处荡轻烟辇路东西入管弦五夜好春随步暖一年明月打头圓香尘掠粉翻罗带密炬笼绡鬪玉钿人影渐稀花露冷蹋歌吹度晓云边

望西山懷驹父

去歲湖湘賦凜秋聞君江國大刀頭百年防面知几遇十事欲言还九休照眼遥岑落懷袖过
眉拄杖立汀洲莫言青山淡吾慮誰料却能生許愁